



00002

今文尙書經說放卷十二

侯官陳喬樞學

周書三

大誓下第六十三

今文尙書 附八

武王乃作太誓告于眾庶

案王鳴盛曰自此以下當是太誓下篇之詞此節似
 是其篇首之文句法與湯誓格爾眾庶般庚綏爰有
 眾牧誓乃誓予其誓相類凡誓語篇皆有之故定爲
 經文武王乃死諡此後人增加孟子手所著梁惠襄
 齊宣鄒穆滕文魯平未必皆前卒于孟子當爲後人
 填補春秋絕筆獲麟哀公見存亦必後人加諡皆其
 例也

卷十二

今殷王紂乃用婦人之言自絕于天毀壞其三正離邊其
 王父母弟乃斷弃其先祖之樂乃爲淫聲用變亂正聲怡
 說婦人四方之逋逃多罪是宗是長是信是使

周本紀今殷王紂乃用其婦人之言自絕于天毀壞其
 三正離邊其王父母弟乃斷弃其先祖之樂乃爲淫聲
 變亂正聲怡說婦人○集解曰馬融曰毀壞三正動逆
 天地人也○鄭元曰王父母弟祖父母之族必言母弟



舉親者言之也

漢書五行志谷永對曰臣聞三代所以喪亡者皆繇婦人羣小書云乃用其婦人之言四方之逋逃多罪是信是使○師古曰周書泰誓也

又谷永傳永對曰臣聞三代所以隕社稷喪宗廟者皆由婦人與羣惡沈湎於酒書曰廼用婦人之言自絕于天四方之逋逃多罪是宗是長是信是使○師古曰此今文泰誓之辭

又敘傳班伯曰書云廼用婦人之言○師古曰今文尙書泰誓之辭

卷十二

二

又伍被傳曰臣聞箕子過故國而悲作麥秀之歌痛紂之不用王子比干之言也故孟子曰紂貴爲天子死曾不如匹夫是紂先自絕久矣非死之日天去之也○張晏曰箕子時朝周過殷故都見麥及禾黍心悲乃作歌曰麥秀之漸漸兮黍苗之繩繩兮彼狡童兮不與我好兮狡童謂紂也

案伍被以紂不用王子比干之言爲自絕于天其義卽本於尙書泰誓篇經所云廼用婦人之言自絕于天離邊其王父母弟是皆其事也

又禮樂志曰世衰民散小人乘君子心耳淺薄則邪勝

正故書序殷紂斷弃先祖之樂迺作淫聲用變亂正聲以說婦人樂官師瞽抱其器而犇散或適諸侯或入河海

案論衡紀妖篇云衛靈公將之晉至濮水之上夜聞鼓新聲者說之師涓撫琴而寫之遂去之晉晉平公觴之施夷之臺召師涓援琴鼓之未終師曠聞而止之曰此亡國之聲不可遂也平公曰此何道出師曠曰此師延所作淫聲與紂爲靡靡之樂也武王誅紂懸之白旄師延東走至濮水而自投故聞此聲者必於濮水之上正此經所謂淫聲變亂正聲者也此事

卷十二

三

又見禮記樂記鄭注及呂氏春秋孟春紀高注江聲曰本紀上文明言武王乃作太誓告于衆庶下卽接此文知此是太誓文矣且裴駟采集馬鄭注以爲注馬鄭注則故是太誓之注也則其文爲太誓無疑矣又漢書谷永傳永引書曰乃用其婦人之言自絕于天師古注以爲今文泰誓舉一以反三則其餘從同益可知矣

新序刺奢篇曰紂爲鹿臺七年而成其大三里高千尺臨望雲雨作炮烙之刑戮無辜奪民力寃暴施於百姓慘毒加於大臣天下叛之願臣文王及周師至今不行

於左右悲夫當是時求爲匹夫而不可得也紂自取之也

春秋繁露王道篇曰紂以糟爲卮以酒爲池孤貧不養殺聖人而剖其心生燔人聞其臭剔孕婦見其化斲朝

涉之足察其拇

歷一作

殺梅伯以爲醢刑鬼侯之女取其

環誅求無已天下空虛羣臣畏恐莫敢盡忠紂愈自賢周發兵不期會於孟津之上者八百諸侯其誅紂大亡

天下

後漢書孔融傳曰紂斲朝涉之脛天下謂爲無道

續漢書律厯志曰紂作淫虐忘其甲子武王誅之

卷十二

四

三國志楊阜傳阜上疏曰桀作璇室象廊紂爲傾宮鹿臺以喪其社稷

故今予發維共行天罰勸哉夫子不可再不可三

周本紀故今予發維共行天罰勉哉夫子不可再不可

三○集解曰鄭元曰夫子丈夫之稱

案江聲曰史記錄尙書軛用訓詁代經文故作勉哉

據攷誓篇有四勸字史記錄之皆作勉則此文史記

作勉其在太誓原文必實作勗可知矣再更舉也更

舉則通前觀兵爲三矣故曰不可再不可三言今必

誅紂也

案尙書正義引馬融書敘曰太誓後得案其文似若淺露又云八百諸侯不召自來不期同時不謀同詞及火復于上至于王屋流爲雕五至以穀俱來舉火神怪得毋在子所不語中乎又春秋引太誓曰民之所欲天必從之國語引太誓曰朕夢協朕卜襲于休祥戎商必克孟子引太誓曰我武維揚侵于之疆則取于殘殺伐用張于湯有光孫卿引太誓曰獨夫紂禮記引太誓曰予克紂非予武惟朕文考無罪紂克予非朕文考有罪惟予小子無良今之太誓皆無此語吾見書傳多矣所引太誓而不在太誓中者甚多

卷十二

五

弗復悉記畧舉五事以明之亦可知矣江聲辨之曰案融之意以太誓非伏生所傳故疑之爾融獨不見伏生之尙書大傳乎太誓維四月太子發上祭于畢云云大傳旣引其文矣其所以不傳者蓋生年老容有遺亡自所得二十八篇之外不能記憶其全故耳大傳引九共曰予辨下土使民平平使民無敖引帝告曰施章乃服明上下能得其片語而不傳其全文是不能記憶之明驗也然則太誓雖不出于伏生不得謂非秦火以前伏生所藏之舊文矣且漢書藝文志云尙書古文經四十六卷爲五十七篇計伏生書

二十八篇三分般庚則爲三十加孔氏多出之二十
四篇才五十四加太誓三篇適五十七無太誓則不
符其數兩漢諸儒備見今文古文者未嘗疑太誓有
今古文之異然則今文太誓同于古文可知矣融獨
以其後得而疑之則五十四篇惡在其可信耶若其
所傳八百不期而會則婁敬說高帝嘗言之矣司馬
子長亦錄其文於本紀矣不旣信而有徵乎又若火
流爲雕與穀俱來斯乃符命之應猶龜書馬圖之屬
也孔子繫易曰河出圖洛出書聖人則之論語記孔
子之言曰鳳鳥不至河不出圖吾已矣夫然則符瑞

卷十一

六

之徵聖人且覬逆遇之而乃與火流穀至爲神怪謂
子所不語豈通論乎且思文之詩不云乎貽我來麋
帝命率育卽此與穀俱來之謂融亦將斥詩爲妄誕
乎不然詩則信之書則疑之進退皆無據矣融又以
書傳所引泰誓甚多而疑此太誓皆無有聲又案湯
誓篇傳自伏生旣又出諸孔壁今文古文若合符節
而予小子履敢用元牲云云載于墨子篇而湯誓未
有其文故孔安國注論語堯曰篇不敢質言湯誓之
文而云墨子引湯誓其詞若此又墨子尙賢篇引湯
誓曰聿求元聖與之戮力同心以治天下而湯誓中

亦無之然而謂湯誓有逸文可也謂湯誓爲僞書則不可也以此相況太誓亦猶是爾夫復奚疑哉不獨此也大傳引般庚曰若德明哉湯任父言卑應言引無逸曰厥兆天子爵令般庚無逸具在而皆無是言經與傳俱出伏生不應傳述其文經反遺其語然則伏生既傳之後歐陽夏侯遞有師承猶不能無闕逸况太誓經焚書之餘百年而出反怪其遺逸耶且夫傳記諸書夫人而見之矣苟欲僞造必將摭拾典籍以其補綴依據誼理以爲干城以求讎其欺于後世如彼僞孔氏之所爲矣安肯故畱此間隙以滋後人之議哉蓋惟當時實有其事史官據事直書故有火流穀至之文逮其後遺文殘闕傳之者謹守殘編而不敢補緝故無諸傳記所引斯何足怪乎季長之說吾不謂然故爲此辨江說是也

又案江聲辨中有云李禹集注尙書于此太誓輒引孔安國曰則孔氏古文亦有此篇安國且爲作傳矣此說誤也先大夫曰案劉孝標世說新語注卷一引續晉陽秋曰孔安國字安國會稽山陰人車騎掾第六子也以儒素見稱歷侍中太常尙書遷左僕射特進卒宋書二十禮志太元十三年召孔安國爲侍中

今文尙書經說攷卷十三

侯官陳喬樞學

周書四

牧誓第六十四

今文尙書十

時甲子昧爽王朝至于商郊牧誓乃誓

尙書大傳武王伐紂至于商郊停止宿夜士卒皆歡樂
歌舞以待旦

案禮記祭統云舞莫重于武宿夜正義曰舞莫重于
武宿夜者皇氏云師說書傳武王伐紂至于商郊停

卷十三

止宿夜云云武宿夜其樂名也此據書傳釋武宿夜
最確蓋此舞樂卽象當時士卒之歡樂歌舞也

史記周本紀二月甲子昧爽武王朝至于商郊牧野乃
誓○徐廣曰一一作正此建丑之月殷之正月周之二
月也

案詩大明會朝清明箋云以天期已至兵甲之彊師
帥之武故令伐殷合兵以清明書牧誓曰時甲子昧
爽是鄭以詩言會朝清明卽此經之甲子昧爽也說
文日部曰昧爽旦明誼亦與鄭合荀子儒效篇云武
王行日以兵忌東面迎太歲至汜而汜至懷而懷至

其頭而山隧朝食于戚暮宿于百泉厭旦于牧之野
呂氏春秋簡逸篇云武王虎賁三千人簡車三百乘
以要甲子之事于牧野而紂爲禽又貴因覽云武王
至鮪水殷使膠鬲候周師武王見之膠鬲曰西伯將
何之武王曰將之殷也膠鬲曰竭至武王曰將以甲
子至殷郊子以是報矣膠鬲行天雨日夜不休武王
疾行不輟軍師皆諫曰卒病請休之武王曰吾已令
膠鬲以甲子之期報其主矣今甲子不至是令膠鬲
不信也膠鬲不信其主必殺之吾疾行以救膠鬲之
死也果以甲子至殷郊論衡詰術篇云武王以甲子

卷十三

日戰勝紂以甲子曰戰負據此諸文皆與經所云甲
子合也說文土部云姆朝歌南七十里地周書武王
與紂戰于姆野从土母聲許所引周書作姆野據古
文也孔穎達正義乃謂皇甫謐云牧野在朝歌南七
十里不知出何書何其疎於攷據耶

三國魏志注桓階等奏曰傳稱周之有天下非甲子之
朝殷之去帝位非牧野之日也故詩序商湯追本元王
之至述姬周上錄后稷之生是以受命旣固厥德不回
後漢書鄧暉傳暉諫傳俊曰昔文王不忍露白骨武王
不以天下易一人之命故能獲天地之應尅商如林之

旅○注云呂氏春秋曰武王伐紂至鮪水紂使膠鬲候
周問武王曰何日至武王曰將以甲子日至膠鬲行天
大雨日夜不休武王疾行不輟軍吏諫之武王曰吾疾
行以救膠鬲之死也天地之應謂夜雨止畢陳白魚入
舟之類

三國魏志注引文帝令曰昔周武大聖也使叔旦會膠
鬲於四內使召公約微子於其頭故伯夷叔齊相與笑
之曰昔神農之有天下不以人之壞自成不以人之卑
自高以爲周之伐殷以恭也

案文帝此語本呂氏春秋誠廉篇

卷十三

三

王左杖黃鉞右秉白旄以麾曰邊矣西土之人

周本紀武王左杖黃鉞右秉白旄以麾曰遠矣西土之
人

案爾雅釋詁邊遠也郭璞注引書曰邊矣西土之人
邊之訓爲遠史記以訓詁代經文故作遠矣西土之
人今尙書釋文及正義本邊字作逃恐非

鹽鐵論繇役篇曰武王之伐殷也執黃鉞誓牧之野天
下之士莫不願爲之用

王曰嗟我友邦冢君

周本紀王曰嗟我有國冢君○集解曰馬融曰冢大也

案周禮大宗伯職以賓射之禮親故舊朋友鄭注云天子亦有友諸侯之誼武王誓曰我友邦冢君鄭引此經以證友字則經當作友邦爲是史記有國疑是友國之譌蓋轉寫以音同致誤也

御事司徒司馬司空亞旅師氏千夫長百夫長

周本紀御事司徒司馬司空亞旅師氏千夫長百夫長案尙書正義引鄭注以千夫長百夫長爲師帥旅帥是師帥者二千五百人之長也旅帥者五百人之長也鄭義是已攷周禮夏官敘官云二千五百人爲師師帥皆中大夫五百人爲旅旅帥皆下大夫故鄭據

卷十三

四

以爲說王肅好與鄭立異乃以百夫長爲卒長其誼非是

三國志烏丸鮮卑東夷列傳注引英雄記袁紹遣使拜三烏丸版文曰始有千夫長百夫長以相統攝用能悉乃心克有勳力於國家

及庸蜀羌髡微纘彭濮人

周本紀及庸蜀羌髡微纘彭濮人○集解曰馬融曰武王所率將來伐紂也

論衡恢國篇曰武王伐紂庸蜀之夷佐戰牧野

後漢書西羌傳文王爲西伯西有昆夷之患北有獫狁

之難遂攘戎狄而戍之莫不賓服乃率西戎征殷之畔國以事紂及武王伐商羌髡率師會於牧野

案詩角弓如蠻如髦毛傳云髦夷髦也鄭箋云髦西夷別名武王伐紂其等有八國從焉據此則髡髦古今文之異耳晉常璩華陽國志巴志篇云武王伐紂實得巴蜀之師著乎尙書意以巴蜀總目各國是大名纏今尙書正義本作盧

稱爾戈比爾干立爾矛予其誓王曰古人有言曰牝雞無晨牝雞之晨惟家之索今殷王紂維婦人言是用

周本紀稱爾戈比爾干立爾矛予其誓王曰古人有言

卷十三

曰牝雞無晨牝雞之晨惟家之索今殷王紂惟婦人言是用

又殷本紀紂嬖于婦人愛妲己唯妲己之言是從

漢書五行志昔武王伐殷至于牧壘誓師曰古人有言曰牝雞無晨牝雞之晨惟家之索今殷王紂惟婦人言○師古曰周書牧誓之辭晨謂晨時鳴也索盡也言婦人爲政猶雌雞而代雄鳴是喪家之道也

案史記述尙書維婦人言是用漢書五行志引牧誓作惟婦言用少人是兩字疑是歐陽本與大小夏侯本文有微異耳東晉晚出尙書本有是字無人字陸

氏釋文不言馬鄭王本同異知古文作惟婦言是用亦無人字也

又外戚傳班婕妤賦云悲晨雞之作戒○張晏曰書云牝雞之晨惟家之索喻婦人無男事也

劉向列女傳紂好酒淫樂不離妲己妲己所舉者貴之所憎者誅之爲長夜飲妲己好之百姓怨望而諸侯有叛者妲己曰罰輕誅薄威不立耳紂乃重刑辟爲炮烙之法妲己乃笑武王伐紂斬妲己頭懸之於小白旗上以爲亡紂者此女也書曰牝雞無晨牝雞之晨惟家之索

卷十三

六

後漢書楊震傳震上疏曰方今九德未事嬖倖充庭書誠牝雞牡鳴

又崔琦傳外戚箴曰惟家之索牝雞之晨○又曰暴辛惑婦拒諫自孤蝮蛇其心縱毒不辜諸父是殺孕婦是刳天怒地忿人謀鬼圖甲子昧爽身首分離初爲天子後爲人螭

自棄厥肆祀不答昏棄厥家國遺厥王父母弟不迪

周本紀自棄其先祖肆祀不答昏棄其家國遺其王父母弟不用○集解曰鄭元曰肆祀祭名答問也誓首言此者神怒民怨紂所以亡也

厥遺任父母弟不迪

熹平石經厥遺任父母弟不迪

案偽孔本尙書作昏棄厥肆祀不答昏棄厥遺王父
母弟不迪文與史記不同竊以從史記所述今文尙
書昏棄厥之下多家國二字於誼爲備若作昏棄厥
遺則旣云昏棄厥又復云遺詞氣不貫誼亦重複但
據隸釋所載漢石經殘碑云厥遺任父母弟不迪王
字作任未知今文家說如何然據史記引今文太誓
篇有曰離邊其王父母弟則此牧誓篇當亦作王父
母弟任字或鐫刻之譌耳惜石經厥遺上文闕無以

卷十三

七

訂其同異疑今文牧誓有脫字史記所述蓋子長從
孔臨淮問古文尙書或據古文說補之歟

乃維四方之多罪逋逃是崇是長是信是使是以爲大夫
卿士俾暴虐於百姓以姦軌于商國

案多罪逋逃泰誓篇作逃逋多罪是崇作是宗段玉
裁曰漢書谷永傳引書迺用婦人之言自絕于天師
古注曰此今文泰誓之辭又引四方之逋逃多罪是
宗是長是信是使師古注曰亦泰誓之辭也此正分
別謂此十五字非牧誓之辭且其上文十字出今文
泰誓則知其連引之十五字不更端者亦出今文泰

誓而非牧誓也今文泰誓小顏時現存何至憤憤指
牧爲泰惠氏定字譏之誤也漢書五行志載谷永對
亦引書云乃用婦人之言四方之逋逃多罪是信是
使師古注曰周書泰誓也據此益可證谷永傳注非
誤此文從節也谷永引書上十字見周本紀所引泰
誓下十五字周本紀存之於牧誓而泰誓則去之喬
樅謂如段所說則此數語泰誓牧誓兩篇皆有之矣
惜石經殘闕而馬鄭王本又亡無以徵其同異存疑
焉可也崇谷永引作宗師古曰宗尊也古崇宗字亦
通永引經兩見漢書皆逋逃在多罪上然則三家今
文本亦有不同者矣

卷十三

八

今予發惟其行天之罰今日之事不愆于六步七步乃止
齊焉夫子勗哉不愆于四伐五伐六伐七伐乃止齊焉勗
哉夫子

周本紀今予發惟其行天之罰今日之事不過六步七
步乃止齊焉夫子勗哉不過於四伐五伐六伐七伐乃
止齊焉勗哉夫子

熹平石經不愆于四伐五伐六伐七伐乃

下闕

案詩大明正義引鄭牧誓注云好整好暇用兵之術
也攷禮記樂記篇孔子與賓牟賈論武樂之舞云天

子夾振之而駟伐盛威于中國也鄭注云駟當爲四聲之誤也武舞戰象也每奏四伐一擊一刺爲一伐牧誓曰不過四伐五伐又曲禮正義引鄭云伐謂擊刺也始前就敵六步七步當止齊行列及兵相接少者四伐多者五伐又當止齊行列也王鳴盛曰據鄭所引但有四伐五伐不言六伐七伐又曲禮及樂記正義引此經亦皆無六伐七伐且鄭注云多者五伐則不得有六伐七伐疑爲衍文也江聲說與王同喬縱謂石經文見於隸釋所載尙書牧誓殘碑其文有六伐七伐與史記同疑鄭注多者五伐五字乃七之

卷十三

九

譌僞孔傳云伐謂擊刺少則四五多則六七以爲例其語卽本於鄭注鄭於樂記注引牧誓僅有不過四伐五伐者蓋以證夾振四伐之誼不必全引下句疏引此經蓋亦節取之不得據彼以六伐七伐爲衍文也

今予惟龔行天之罰

班固東都賦曰龔行天罰應天順人斯乃湯武之所以

昭王業也

說文力部勛勉也从力旨聲周書曰勛哉夫子

案段玉裁云古音旨勛皆讀如茂是以般庚懋建大

命今文作勅建顧命冒貢馬鄭王皆作勅贛也勅讀許玉反非古音

尙桓桓

周本紀尙桓桓○集解曰鄭元云桓桓威武貌

後漢書高彪傳曰明其果毅尙其桓桓

案說文犬部云狙犬行也从犬巨聲周書曰尙狙狙狙訓犬行則誼非威武貌狙蓋桓之同音假借字古文泰誓作狙狙孔安國以今文讀之定爲桓字故馬鄭本皆同今文作桓桓也爾雅釋訓云桓桓威也卽此經桓桓之訓詩周頌云桓桓武志也然則毛詩古文

卷十三

十

亦作桓矣

如虎如羆如豺如離

周本紀如虎如羆如豺如離○徐廣音義曰離音訓竝與螭同

班固十八侯銘曰休休將軍如虎如羆

又典引曰虎離其師

案此經古文作如虎如貔如熊如羆與三家今文不同史記所述歐陽尙書也孟堅所用夏侯尙書也說文豸部云貔豹屬出貉國从豸毘聲詩曰獻其貔皮周書曰如虎如貔貔猛獸許據古文尙書故引周書

與史記文異禮記曲禮前有摯獸則載貔貅鄭注引
尚書曰如虎如貔如豹正義引鄭尚書注云其威當如獸
之將攫搏也貔一曰豹屬虎類也鄭引尚書作貔與
許所引文合漢書敘傳述翟方進傳云義得其勇如
虎如貔班習夏侯尚書者據十八侯銘作如虎如貔
則敘傳文當亦同作貔不當作豹豈大小兩夏侯本
與歐陽本又各有不同歟然則鄭注禮記所引尚書
或亦出大小夏侯今文不必定爲古文也

如豹如螭

後漢書竇憲傳班固燕然山銘曰螭虎之士

卷十三

十一

又杜篤傳篤論都賦曰虓怒之旅如虎如螭

李善文選西都賦注歐陽尚書說曰螭猛獸也

如豹如螭

說文內部曰螭山神獸也从禽頭从內从虫歐陽喬說
禽猛獸也

案此所引用皆今文尚書也段玉裁云歐陽尚書唐
初已不存李蓋於各家注記得之與說文引歐陽喬
說正合正牧誓說也徐廣注史記云離音訓竝與螭
同當云離音訓竝與螭同螭正字離螭皆假借字螭
之正訓說文云若龍而黃也一曰無角曰螭齊太公

世家及六韜非龍非虬即螭之別字也攷工記鄭
注羸者虎豹貔螭爲獸淺毛者之屬左傳服注螭或
曰如虎而噉虎此皆猛獸之說也喬樅謂據說文离
字訓云云則文選注所引歐陽尚書說即歐陽喬之
說攷漢書儒林傳歐陽和伯之曾孫名高字子陽爲
博士繇是尚書有歐陽氏學歐陽喬當即歐陽高喬
高字形相似而音義又俱相近二字古得通用歐陽
章句經典釋文序錄云歐陽高始爲之則說文所引
歐陽喬說即歐陽章句也歐陽尚書今文作雋說文
所傳其正字也文選注引歐陽說作螭其假借字也

卷十三

十一

螭爲龍之無角者與龍同類雋爲獸之淺毛者與虎
同類也

于商郊弗禦克奔以役西土

周本紀于商郊弗禦克奔以役西土○集解曰鄭元曰
禦彊禦謂彊暴也克殺也不得暴殺紂師之奔走者

案僞孔傳本作御釋文云馬作禦禁也役馬云爲也

正義云王肅讀御爲禦言不禦能奔走者王鳴盛曰
馬王訓皆非鄭解深得之言不暴殺來奔之人則商
人皆爲西土之役矣陳于野而不用權詐見其正步
伐止齊見其整不殺降見其仁三者皆王師之仁所

以異於霸術也

爾所弗勸其于爾躬有戮

周本紀爾所不勉其于爾身有戮○集解曰鄭元曰所言且也

本紀又曰誓已諸侯兵會者車四千乘陳師牧野使師向父與百夫致師以大卒馳帝紂師紂師雖衆皆無欲戰之心心欲武王亟入紂師皆倒兵以戰以開武王武王馳之紂兵皆崩畔紂紂走反入登于鹿臺之上蒙衣其珠玉自燔于火而死

尚書大傳大戰篇曰武王與紂戰于牧之野紂之卒輻

卷十三

十三

分紂之車瓦裂紂之甲魚鱗下賀乎武王

漢書律厯志武王書經牧誓武王伐商紂水生木故爲木德天下號曰周室

淮南本經訓曰晚世之時帝有桀紂桀爲璇室瑤臺象廊玉牀紂爲肉圃酒池燎焚天下之財罷苦萬民之力剗諫者剔孕婦攘天下虐百姓於是湯乃以革車三百乘伐桀於南巢放之夏臺武王甲卒三千人破紂牧野殺之於宣室天下甯定百姓和集是以稱湯武之賢由此觀之有賢聖之名者必遭亂世之患也○注云革車兵車也南巢今廬江巢縣夏臺大臺牧野地名在朝歌

城外宣室殷宮各

又曰約兼天下朝諸侯人迹所及舟楫所通莫不賓服然而武王甲卒三千人揜之于牧野豈周民死節而殷民背叛哉其王之德義厚而號令行也

說苑指武篇曰武王將伐紂召太公望而問之曰吾欲不戰而知勝不卜而知吉使非其人爲之有道乎太公對曰有道王得衆人之心以圖不道則不戰而知勝矣以賢而伐不肖則不卜而知吉矣彼害之我利之雖非吾民可得而使也武王曰善乃召周公而問焉曰天下之圖事者皆以殷爲天子以周爲諸侯以諸侯攻天子

卷十三

十四

勝之有道乎周公對曰殷信天子周信諸侯則無勝之道矣何可攻乎武王忿然曰汝言有說乎周公對曰臣聞之攻禮者爲賊攻義者爲殘失其民則爲匹夫王攻其失民者何攻天子乎武王曰善乃起衆舉師與殷戰于牧之野大敗殷人上堂見玉曰誰之玉也曰諸侯之玉卽取而歸之於諸侯天下聞之曰武王廉於財矣入室見女曰誰之女也曰諸侯之女也卽取而歸之於諸侯天下聞之曰武王廉於色矣於是發巨橋之粟散鹿臺之財金錢以與士民黜其戰車而不乘弛其甲兵而弗用縱馬華山放牛桃林示不復用天下聞者咸謂

武王行義於天下豈不大哉

說苑權謀篇曰武王伐紂過隧斬岸過水折舟過谷發梁過山焚萊示民無返志也至於有戎之隧大風折旆散宜生諫曰此其妖與武王曰非也天落兵也風霽而乘以大雨水平地而奮散宜生又諫曰此其妖與武王曰非也天洒兵也下而龜燿散宜生又諫曰此其妖與武王曰不利以禱祠利以擊眾是燿之已故武王順天地犯三妖而禽紂於牧野其所見者獨精也

論衡卜筮篇曰周武王伐紂卜筮之逆占曰大凶太公推著蹈龜而曰枯骨死草何知吉凶夫卜筮兆數非吉

卷十三

凶誤也占之不審吉凶吉凶變亂變亂故太公黜之夫著筮龜卜猶聖王治世卜筮兆數猶王治瑞應瑞應無常兆數詭異詭異則占者惑無常則議者疑疑則謂平未治惑則謂吉不良何以明之夫吉見兆數吉人可遭也治遇符瑞聖德之驗也周武王伐紂遇烏魚之應其卜曷爲逢不吉之兆使武王不當起出不宜逢瑞武王命當興卜不宜得凶由此言之武王之卜不得凶占謂之凶者失其實也洪範稽疑卜筮之變必問天子卿士或時審是夫不能審占兆數不驗則謂卜筮不可信用象無不然兆無不審人之知闇論之失實也傳或言武

王伐紂卜之而龜爻占者曰凶太公曰龜爻以祭則凶
以戰則勝武王從之卒克紂焉蓋兆數無不然而吉凶
失實者占不巧工也



卷十三

十六

夫實者占不巧工也

以龜觀王紂之卒克紂焉蓋兆數無不然而吉凶
至外勝不之而龜爻占者曰凶太公曰龜爻以祭則凶

今文尚書經說攷卷十四上

侯官陳喬樞學

周書六

鴻範第六十五

今文尚書十一上

惟十有三祀王訪于箕子

尚書大傳武王勝殷繼公子祿父釋箕子囚箕子不忍周之釋走之朝鮮武王聞之因以朝鮮封之箕子既受周之封不得無臣禮故於十三祀來朝○注云祿父紂之子也武庚字箕子走之朝鮮誅我君而釋已嫌苟免

卷十四上

也朝鮮今樂浪

史記周本紀武王已克殷後二年間箕子殷所以亡箕子不忍言殷惡以存亡國宜告武王亦醜故問以天道漢書律厯志洪範篇曰惟十有三祀王訪于箕子

又五行志禹治洪水賜洛書法而陳之洪範是也聖人行其道而寶其真降及于殷箕子在父師位而典之周既克殷以箕子歸武王親虛已而問焉經曰惟十有三祀王訪于箕子

班固賓戲曰昔咎繇謨虞箕子訪周言通帝王謀合聖

神

風俗通皇霸篇尚書武王戎車三百兩虎賁八百人擒紂於牧之野惟十有三祀王訪于箕子

三國魏志注引辛毗等奏曰天文因人而變至於河洛之書著於洪範則殷周效而用之矣斯言誠帝王之明符天道之大要也

王廼言曰於乎箕子惟天陰隲下民相協厥居我不知其彝倫適敘

史記宋世家武王既克殷訪問箕子武王曰於乎維天陰定下民相和其居我不知其常倫所序

烏噓箕子

卷十四上

二

漢書五行志王廼言曰烏噓箕子惟天陰隲下民相協厥居我不知其彝倫適敘○服虔曰隲音陟○應劭曰陰覆也隲升也相助也協和也倫理也攸所也言天覆下民王者當助天居我不知居天常理所次序也

呂氏春秋君守篇鴻範曰惟天陰隲下民陰之者所以發之也○高誘注曰陰陽升陟也言天覆下民王者當助天舉發明之以仁義也

案史記訓隲爲定當本歐陽尚書說書正義引王肅云陰深也言天深定下民與之五常之性王者當助天和其居所行天之性我不知常道倫理所以次敘

是問承民順民何所由與服虔應劭高誘訓誼並異而於史記爲合王肅蓋亦據歐陽章句爲說也書釋文引馬融云陰覆也隲升也升猶舉也舉猶生也與應劭高誘解同然則馬蓋從夏侯說歟史記引書作於平漢書引經作烏嘑此歐陽夏侯三家之本不同也段玉裁曰高注陰陽升降也當是陰覆陟升也之誤隲者陟之假借字故注作陟爾雅釋詁隲升也史記作定按隲不訓定疑今文尙書本作質故司馬訓爲定喬樅攷漢書五行志師古注云隲音質隲定也此必王肅尙書注有隲讀爲質之語故師古據以注

五行志耳

卷十四上

三

箕子廼言曰我聞在昔鯀墮鴻水汨陳其五行

宋世家箕子對曰在昔鯀墮鴻水汨陳其五行

漢書五行志箕子廼言曰我聞在昔鯀墮洪水汨陳其五行○應劭曰墮塞也汨亂也水性流行而鯀障塞之失其本性所陳皆亂故曰汨陳其五行也

尙書大傳曰汨亂也

案此見華嚴音義當是洪範傳汨陳五行之訓攷說文水部云汨治水也古訓有反義故治之反爲亂也

鯀伊鴻水曰陳其五行

熹平石經口伊鴻水曰陳其五行帝

下開

案隸釋載今文尙書殘碑墮字作伊汨字作曰不同者段玉裁曰蓋墜伊雙聲相假借說文土部曰墜塞也从土西聲商書曰鯀墜洪水壅古文墜按古文墜字从古文西蓋壁中古文如是小篆易壘爲墜玉篇土部墜於仁切書曰鯀墜洪水孔安國曰墜塞也據此則尙書孔傳本作墜與說文合衛包乃改爲墮字段說是也汨說文从水曰聲蔡邕石經作曰卽汨之消借也

帝乃震怒弗畀鴻範九疇彝倫適斁

卷十四上

四

宋世家帝乃震怒不從鴻範九等常倫所斁○徐廣曰斁一作釋○裴駟曰按鄭元曰帝天也天以鯀如是乃震動其威怒不與天道大法九類言王所問所由敗也漢書五行志帝乃震怒弗畀洪範九疇彝倫適斁

案說文皮部云燁敗也从皮畢聲商書曰彝倫攸燁則燁乃正字斁其假借字也徐廣史記音義云斁一作釋釋字當卽燁之譌段玉裁曰九疇史記作九等此以訓詁之字代其本字也漢書宣帝紀復其後世疇其爵邑張晏曰律非始封十減二疇者等也言不復減也此疇訓等之證其實與疇類也無二說文等

齊簡也

舜倫攸燹

班固典引曰舜倫燹而舊章缺

案據典引文知夏侯尚書本亦作舜倫攸燹也

後漢書袁紹傳劉表以書諫譚曰舜倫攸斲

鯀則殛死禹迺嗣興天迺錫禹鴻範九疇舜倫適敘

宋世家鯀則殛死禹迺嗣興天迺錫禹鴻範九等常倫

所序

五行志鯀則殛死禹迺嗣興天迺錫禹鴻範九疇舜倫

適敘此武王問雒書於箕子箕子對禹得雒書之意也

卷十四上

五

案尚書釋文云殛紀力反本又作極段玉裁曰作極

者是也劉向以堯典四罪放流竄殛爲四放之罰虞

書殛鯀于羽山王逸楚詞天問注言堯長放鯀於羽

山絕在不毛之地三年不食其罪也詩小雅菀柳後

予極焉鄭箋云極誅也王信讒不察功者續後反誅

放我是言王刑罰不中不可朝事也正義曰極誅釋

言文此釋言極不作殛之明證也夏本紀云舜行視

鯀之治水無狀乃殛鯀於羽山以死此語最爲明晰

因殛而死非訓殛爲殺也魏志武帝紀致屈官渡裴

注云詩曰致天之居于牧之野鄭元云屈極也鴻範

曰鯀則極死裴所據者鄭注古文尙書也祭法正義引鄭答趙商云鯀非誅死鯀放居東裔至死不得反于朝禹乃其子也以有聖功故堯興之若以爲殺人父用其子而舜禹何以忍乎而尙書曰鯀則極死禹乃嗣興者箕子見武王誅紂今與已言懼其意有慙德爲說父不肖則罪之子賢則舉之以滿武王意也此鄭發明鯀因極而死非帝欲殺之喬樞謂諸所引書皆作極字說文攷部曰極殊也从攷亟聲虞書曰極鯀于羽山許所偁虞書古文尙書也鄭注古文尙書讀極爲極極誅也極殊也古文尙書作極者極之假借字也極字當本於三家今文故鄭讀從之觀高誘王逸諸儒皆以極爲放是今文家書說作極誅解永嘉以後三家尙書亡而馬鄭王本尙書盛行於世學者多見作極字少見作極字故凡經史及諸子百家皆傳寫從極耳

卷十四上

六

又敘傳曰河圖命庖洛書賜禹八卦成列九疇適敘○李奇曰洛書卽洪範九疇也
論衡正說篇曰禹之時得洛書書從洛水中出洪範九章是也禹案洪範以治洪水

案山海經云岷山之首曰女兒山洛水出焉東注於

江漢書地理志廣漢郡雒縣云章山雒水所出南至
新都谷入渝華陽國志云李冰道洛通山洛水出瀑
口經什邡攷漢志廣漢郡屬縣有汁方應劭曰汁音
十近儒臨川紀大奎爲四川什邡令嘗作什邡考云
自秦漢已有什邡之名不詳其義今縣北有雒縣舊
址以雒水得名水源在萬山中衆流交絡邑乘云三
江口山內有九聯坪雒流屈曲環繞禹王廟禹母祠
基在焉古碑屹立字迹不可辨疑秦漢間物相傳禹
母居此帝王世紀禹生廣柔縣石紐鄉劄兒坪今其
地無可攷或云在石泉又云在汶川距章洛皆不遠

卷十四上

七

雒洛古相通用余惟神禹降生天必錫之苞符洛書
之出或當在此河圖圓象天洛書方象地易曰著之
德圓而神卦之德方以智著以圖衍卦從書列蓋洛
書八方方皆合十一與九合十六與四合十七與三
合十二與八合十初出之時疑卽名之曰十方猶河
圖之言五位也此地既有洛書之祥意十方之名必
藉藉久著秦郡縣天下取以名地加偏旁爲什邡什
亦作邗汁竝音十邡亦作防竝音方世遠遐陬紀
載無存後世遂失其自以洛爲河南之洛不復詳考
矣又作洛水攷云女几古山名今不可攷要其爲漢

志水經注雒縣章山之雒水固無可疑爾雅釋山曰
上正章疏云山形上平者各章今泝雒水發源之處
九嶺危峻人跡罕到山嶺多上平疑九嶺卽章山也
雒水發源九嶺山環繞東北七八十里逕九聯坪東
南會章水至高景關出山口名曰雒口河流遂大華
陽國志云蜀王杜宇稱帝以褒斜爲前門熊耳靈關
爲後戶玉壘峩嶷爲城郭江潛綿洛爲池澤此當日
洛水之爲鉅觀也後世引水灌田自關口以外分而
爲官渠諸河于是正河淺涸遂不知有山海經水經
之舊矣余惟河圖洛書伏羲大禹之瑞而岷山女几

卷十四上

八

之洛與河南謹舉之洛竝著山海經禹固汶山郡人
史記岷山作汶山然則洛出書之爲岷山以南之洛
而非必其爲河南謹舉之洛固事與理之可信者又
因洛水及什邡名義證之於洛書方方合十之應固
不能置之於不論也喬樅謂天生神禹靈龜出洛洛
書八方合十祥瑞之符實爲禹應禹生於汶川紀氏
以出書之洛水當在蜀地什邡其說固非無徵也

趙岐孟子滕文公篇注洪範曰彝倫攸序謂其常事有
序者也

三國志管甯傳曰下阜羣生彝倫攸敘

鴻範五行傳曰維王后元祀帝令大禹步于上帝維時
洪祀六沴用咎于下是用知不畏而神之怒若六沴作
見若是其禦帝用不差神則不怒五福乃降用意于下
若六沴作見若不共禦六伐既侵六極其下禹乃其辟
厥德受命休令爰用五事建用王極○注王謂禹也后
君也祀年也禹始居攝爲君之年也帝舜也步推也于
於也上帝謂天也令禹推演天道謂覩得失反覆也用
此時始大祀六沴之用咎于下者咎凶也其祀之令消
也若是順也其讀曰恭禦止也降下也章明也侵陵也
辟明也厥其也休美也禹於是恭明其德孳孳受舜之
美令奉行之王極或皆爲皇極初禹治水得神龜負文
於洛於以盡得天人陰陽之用至是奉帝命而陳之也
漢書五行志易曰天垂象聖人象之河出圖雒出書聖
人則之劉歆以爲慮羲氏繼天而王受河圖則而畫之
八卦是也禹治洪水賜雒書法而陳之洪範是也

案論語河不出圖何晏集解引孔安國曰河圖八卦

是也易繫辭云河出圖洛出書聖人則之李鼎祚集

解引鄭元曰春秋緯云河以通乾出天苞洛以流坤

吐地符河龍圖法洛龜書成河圖有九篇洛書有六

篇也據此諸說則鴻範出於雒書今文家古文家說

竝相同矣

初一日五行次二曰羞用五事次三曰農用八政次四曰
叶用五紀次五曰建用皇極次六曰艾用三德次七曰明
用稽疑次八曰念用庶徵次九曰嚮用五福畏用六極

宋世家初一日五行二曰五事三曰八政四曰五紀五
曰皇極六曰三德七曰稽疑八曰庶徵九曰嚮用五福
畏用六極○集解曰馬融云言天所以畏懼人用六極
漢書五行志初一日五行次二曰羞用五事次三曰農
用八政次四曰叶用五紀次五曰建用皇極次六曰艾
用三德次七曰明用稽疑次八曰念用庶徵次九曰嚮
用五福畏用六極凡此六十五字皆雜書本文所謂天
迺錫禹大法九章常事所次者也○張晏曰農食之本
食爲八政首故以農爲名也○應劭曰叶合也合成五
行爲之條紀也皇大也極中也艾治也洽大中之道用
三德也疑事明攷之於蒼龜天所以嚮樂人用五福所
以畏懼人用六極

卷十四上

十

案尙書釋文引馬云從五行已下至六極洛書文也
則初一日等二十七字是禹所加本文惟三十八字
今據漢書五行志則以自初一日以下皆洛書之文
兩說不同馬融從古尙書說故與今文家異五行志

明言攬伸舒別向歆傳載睦孟夏侯勝京房谷永李
等之徒所陳行事是志所引經傳皆用今文尙書說
也

漢書藝文志五行者五常之形氣也書云初一曰五行
次二曰羞用五事言進用五事以順五行也貌言視聽
思心失而五行之序亂五星之變作皆出於律曆之數
而分爲一者也

漢書孔光傳光對曰書曰羞用五事建用皇極如貌言
視聽思大中之道不立則咎徵薦臻六極屢降皇之不
極是謂大中不立其傳曰時則日月亂行謂眇側慝甚
則薄蝕是也○孟康曰眇行疾側慝行遲也

卷十四上

十一

案羞用五事句漢書五行志引書凡兩見又孔光傳
引經文同藝文志引此經亦作羞而釋以進用則作
羞字其來已舊矣鄭君詩小雅小緝箋引此經作敬
用五事與漢書文異段玉裁曰按作敬者古文尙書
也作羞者今文尙書也班氏羞訓進今文家說也古
文敬字從古文苟與羞皆從羊詩小雅鄭箋云欲王
敬用五事此從古文尙書說也江聲曰羞當爲苟說
文苟部云苟自急勅也从羊省从包省从口口猶慎
言也从羊羊與義善美同意案五事乃切身之事人

當自整勅者古文苟字作着與羞相似故誤也江說亦通說文支部敬肅也从支苟肅卽整勅之意或三家今文亦有作敬者故鄭君詩箋據之以爲言耳

又案農用入政尙書釋文引馬云食爲入政之首故以農名之僞孔傳云農厚也厚用之政乃成正義引鄭元云農讀爲醴則農是醴意故爲厚也王肅從馬說張晏注漢書亦與馬訓同顏師古曰此說非也農厚也羞用義例皆同非田農之義也喬縱攷說文酉部云醴厚酒也又衣部云禮衣厚貌醴禮皆從農得聲而義竝訓爲厚則農本有厚誼可知矣馬王皆治

卷十四上

十三

古文尙書其主田農爲義者古文說也鄭君讀農爲醴當是從今文家說惜正義引鄭注文不具僞孔傳農厚也云云必是漢儒舊說如此而僞孔氏襲用之耳

又案協用五紀五行志作叶此三家尙書之間存有古文者師古曰叶讀曰叶和也攷說文務部云務同力也从三力協協協叶叶皆務之重文協同心之和也从務从心協同思之和也从務从思協衆之和同也从務从十叶古文協从口十叶亦古文从口五行志叶字正古文協也此但當云叶與協同小顏不知

漢人作注言讀爲讀曰皆是易其字而妄效之宜其爲段氏懋堂所譏也

又案說文卜部云𠂔以問疑也从口卜讀與稽同書云𠂔疑許所傳書作𠂔據古文尙書也史記漢書載洪範今文竝作稽蓋同音假借字段氏玉裁以說文書云𠂔疑四字爲大徐妄增此不然也攷說文繫傳曰尙書明用叶疑今文借稽字小徐所引正據說文言之若郭忠恕汗簡及夏竦古文四聲云稽古尙書作𠂔此則依傍字部改變經文之本未可信從當以說文爲正

卷十四上

三

熹平石經口口曰建用皇極次六曰艾用三德下闕

案洪範五行傳王極鄭注云王或皆爲皇攷白虎通號篇曰皇君也美也大也皇之訓爲君亦爲大故孔光谷永說皇極竝以大中爲訓此歐陽夏侯三家之本不同也洪範五行傳王之不極是謂不建鄭注云王君也漢書五行志引洪範傳皇之不極是謂不建云皇君也極中建立也字異訓同據中興書目引鄭康成尙書大傳敘曰蓋自伏生也伏生爲秦博士至孝文時年且百歲張生歐陽生從其學而授之音聲猶有譌誤先後猶有差舛重以篆隸之殊不能無失

伏生終後數子各論所聞以己意彌縫其闕別作章句又特撰大義因經爲指名之曰傳劉子政授書得而上之凡四十篇至元始詮次爲八十三篇此三家今文所以不能無少異同之處也今據隸釋載漢石經尙書殘碑作皇極作艾用皆與漢志文同是知作王極者歐陽氏之本作皇極者夏侯氏之本也漢志艾用師古注曰艾讀曰艾案隸古定本作艾攷說文ノ部云艾芟草也从ノ从乂相交艸部云艾沐臺也从艸乂聲辟部云艾治也从辟乂聲然則艾是芟草艾是艸名與艾之訓治異以同从乂聲故艾或借借作艾或通借艾字爲之依應氏訓誼則字當作艾依古書假借則字通作艾魏晉以來俗所用者皆但作艾而艾之正字遂廢矣

饗用五福

漢書谷永傳永對曰竊聞明王卽位正五事建大中以承天心則庶徵序于下日月理于上如人君淫溺後宮般樂游田五事失于躬大中之道不立則咎徵降而六極至凡災異之發各象過失以類告人○又曰臣聞災異天所以譴告人君過失猶嚴父之明誠畏懼敬改則禍銷福降忽然簡易則咎罰不除經曰饗用五福畏用

六極傳曰六沴作貝若不共御六罰既侵六極其下○
師古曰周書鴻範之辭饗當也言所行當於天心則降
以五福若所爲不善則以六極畏罰之

案尙書釋文云嚮許亮切一音許兩反段玉裁曰嚮
當作鄉經典向背字祇作鄉絕少作嚮嚮字雖見於
漢碑然其字上下二體皆諧聲也疑漢之俗字僞孔
傳云天所以嚮勸人用五福義取歸向釋文云許亮
切故知其字必本作鄉也釋文又云一音許兩反者
按漢書谷永傳引經曰饗用五福字作饗此許兩反
之證五行志引經曰次九曰嚮用五福應劭云天所
以嚮樂人用五福應注當作饗乃安然則志文本同
谷永傳作饗也喬樅謂師古釋饗字爲當此必漢書
音義舊注語而師古襲用之漢人皆習今文尙書饗
當之訓蓋三家尙書章句之異義也

續漢書五行志注引續漢書建武二年尹敏上疏曰六
沴作見若是供御帝用不差神則大喜五福乃降用章
于下若不供御六罰既侵六極其下明供御則天報之
福不供御則禍災至欲尊六事之體則貌言視聽思心
之用合六事之揆以致乎太平而消除輶軻孽害也
魏志高堂隆傳書曰天聰明自我民聰明天明畏自我

民明威輿人作頌則嚮以五福民怒吁嗟則威以六極
言天之賞罰隨民言順民心也是以臨政務在安民爲
先然後稽古之化格于上下自古及今未嘗不然也

卷十四上



夫德教之於民猶水之於魚也水涸則魚亡德教廢則民散
故君子必先慎乎德有德此有人有人此有土有土此有財
有財此有用德者本也財者末也外本而內末則民散矣故
君子必先慎乎德有德此有人有人此有土有土此有財
有財此有用德者本也財者末也外本而內末則民散矣故

今文尚書經說攷卷十四

侯官陳喬樞學

周書六

鴻範第六十五

今文尚書十一

中

五行一曰水二曰火三曰木四曰金五曰土

史記宋世家五行一曰水二曰火三曰木四曰金五曰土○集解鄭元曰此數本諸陰陽所生之次也

漢書五行志經曰初一曰五行五行一曰水二曰火三曰木四曰金五曰土

卷十四

一

案史記全載洪範篇此五行及下五事八政五紀皇極三德稽疑庶徵五福等字上竝無一二以至八九等字漢書五行志載洪範文五行上無一字五事上無二字食貨志載洪範文八政上無三字又谷永傳引此篇皇極皇建其有極皇極上亦無五字說文解字引書云卅疑亦無七字洪适隸釋載熹平石經尚書殘碑洪範篇有爲天下王三德一曰正直三德上無六字可見尚書今文古文皆無此等數目之字僞孔本乃各妄增一二至八九等字是亂經文也宜從

刪削

尙書大傳曰大水小水東流歸海非水無以準萬物之平非水無以通遠道任重也

又曰火發於密水洩於深

案記纂淵海卷一水火引尙書大傳文如此先大夫曰韓昌黎外集擇言解有火洩於密水發於深二語蓋本書大傳

白虎通五行篇五行者何謂也謂金木水火土也言行者欲言爲天行氣之義也尙書一曰水二曰火三曰木四曰金五曰土水位在北方北方者陽氣在黃泉之下任養萬物水之爲言準也言養物平均有準則也木在

卷十四中

二

東方東方者陽氣始動萬物始生木之爲言觸也陽氣動躍觸地而出也火在南方南方者陽在上萬物垂枝火之爲言委隨也言萬物布施火之爲言化也陽氣用事萬物變化也金在西方西方者陰始起萬物禁止金之爲言禁也言秋時萬物陰氣所禁止也土在中央者至吐含萬物土之爲言吐也言土居中總吐萬物也

又曰五行所以更王何以其轉相生故有終始也木生火火生土土生金金生水水生木是以木王火相土死金囚水休王所勝者死囚故王者休木王所以七十二日何土王四季各十八日合九十日爲一時王九十日

土所以王四季何木非土不生火非土不榮金非土不成水非土不停土扶微助衰厯成其道故五行更王亦須土也王四季居中央不各時行有五時有四何四時爲時五行爲節故木王卽謂之春金王卽謂之秋土尊不任職君不居部故時有四也

按禮記月令正義引洪範五行一曰水云云所以一曰水者乾貞於十一月子十一月一陽生故水數一
二曰火者坤貞於六月未六月兩陰生陰不敢當午也三曰木者正月三陽生是建寅之月故次木四曰金者八月四陰生是建酉之月故次金五曰土者三

卷十四中

三

月五陽生三月建辰之月辰爲土土王四季藏四行又廣大故次土也是亦言陰陽所生之次與鴻範合又曰五行所以一陽三陰何土尊尊者配天金木水火陰陽自偶

荀悅孝惠皇帝紀一曰水二曰火三曰木四曰金五曰土

劉熙釋名釋天曰五行者五氣也於其方各施行也金禁也其氣剛嚴能禁制也木冒也華葉自覆冒也水準也準平物也火化也消化物也亦言毀也物入中皆毀壞也土吐也能吐生萬物也

水曰潤下火曰炎上木曰曲直金曰從革土曰稼穡

史記宋世家水曰潤下火曰炎上木曰曲直金曰從革
土曰稼穡○集解馬融云金之性從火而更可銷鑠○
王肅曰種之曰稼斂之曰穡

土爰稼穡

漢書五行志水曰潤下火曰炎上木曰曲直金曰從革
土爰稼穡○張晏曰革更也可更銷鑠也

又李尋傳尋對穴異曰普云水曰潤下陰動而卑不失
其道天下有道則河出圖洛出書

按李尋事張山拊受小夏侯尚書由是小夏侯有李

卷十四中

四

氏之學今據等說水曰潤下與白虎通誼同足爲白
虎通義皆用今尚書說之確證

白虎通五行篇五行之性或上或下何火者陽也尊故
上水者陰也卑故下水者少陽金者少陰有申和之性
故可曲可直從革土者最大苞含物之將生者出者將
歸者不嫌清濁爲萬物主尚書曰水曰潤下火曰炎上
木曰曲直金曰從革土爰稼穡

案尚書正義引王肅曰水之性潤萬物而退下火之
性盛而升上王注與白虎通誼亦合易睽象傳曰火
動而上澤動而下虞翻注亦引此經以爲之說是古

文今文訓誼竝同正義又言上文水火木金有本性
其稼穡以人事爲各非土本性變曰言爰以見此異
也六府以土穀爲二由其體異故也喬樅攷史記宋
世家載此經土曰稼穡不作爰字按爾雅釋詁云粵
於爰曰也曰爰訓同竝無異義孔冲遠強爲之解其
說近泥然則史記作曰蓋據歐陽尚書王充習歐陽
之學者故與司馬子長所述文同此亦三家之本有
不同也

荀悅孝惠皇帝紀水曰潤下火曰炎上木曰曲直金曰
從革土爰稼穡

卷十四中

五

潤下作鹹炎上作苦曲直作酸從革作辛稼穡作甘

史記宋世家潤下作鹹炎上作苦曲直作酸從革作辛
稼穡作甘

白虎通五行篇水味所以鹹何是其性也所以北方鹹
者冬主萬物固藏鹹者所以堅之也猶五味得鹹乃堅
也木味所以酸者何東方萬物之發生也酸者所以達
生也猶五味得酸乃達也火味所以苦何南方主長養
苦者所以長養也猶五味須苦可以養也金味所以辛
何西方煞傷成物辛所以煞傷之也猶五味得辛乃委
煞也土性所以甘何中央者中和也故甘猶五味以甘

爲王也尚書曰潤下作鹹炎上作苦曲直作酸從革作
辛稼穡作甘

案高誘注呂覽孟春紀云酸者鑽也萬物應陽鑽地
而出卽酸所以達生之誼高誘亦用今文尚書說故
解詁與白虎通合

尚書大傳曰水火者百姓之所飲食也金木者百姓之
所興作也土者萬物之所資生也是爲人用

案尚書正義云此章所演凡有三重第一言其各次
第二言其體性第三言其氣味言五者各爲人用引
書傳云云爲證五行卽五材左氏襄二十七年傳云

卷十四中

六

天生五材民並用之謂之行者在天爲五氣流行在
地爲世所行用也

論衡驗符篇曰稼穡作甘

漢書五行志曰河圖雒書相爲經緯八卦九章相爲表
裏昔殷道弛文王演周易周道敝孔子述春秋則乾坤
之陰陽效洪範之咎徵天之道粲然著矣

案五行志又云漢興承秦滅學之後景武之世董仲
舒治公羊春秋始推陰陽爲儒者宗宣元之後劉向

治穀梁春秋數其旣福傳以洪範

師古云以洪範義傳而說之傳字或

作傳讀曰附謂附著也與仲舒錯至而于欽治左氏傳其春秋

意亦已乖矣言五行傳又頗不同是以攬仲舒別向
歆傳載畦孟夏侯勝京房谷永李筭之徒所陳行事
訖於王莽舉十二世以傳春秋著於篇據班氏云云
則志所載多述洪範五行傳之文攷藝文志有劉向
五行傳記十一卷許商五行傳記一篇皆尚書今文
家言也惟歆兼治古文尚書然觀班氏云劉向洪範
論發明大傳著天人之應又云孝武時夏侯始昌通
五經善推五行傳以傳族子夏侯勝下及許商皆以
教所賢弟子其傳與劉向同惟歆傳獨異是孟堅於
歆有微詞故志申歆五行傳別爲一說於古文今文

卷十四

七

兩家言分析甚明先大夫輯尚書大傳定本附載漢
書五行志綴以它書所引劉氏五行傳論其書已別
刊行喬樞令於洪範篇僅載伏生大傳洪範傳文其
餘各家傳記文多故不具錄云

漢書劉向傳向見尚書洪範箕子爲武王陳五行陰陽
休咎之應向乃集合上古以來歷春秋六國至秦漢符
瑞災異之記推述行事連傳禍福著其占驗比類相從
各有條目凡十一篇號曰鴻範五行傳論奏之

劉向傳贊曰劉氏鴻範論發明大傳著天人之應

漢書五行志傳曰田獵不宿飲食不享出入不節奪民

農時及有姦謀則木不曲直○服虔曰不宿不得其時也或曰不豫戒曰不宿不戒以其時也○李奇曰姦謀增賦履畝之事也○臣瓚曰姦謂邪謀也○師古曰姦謀卽下所謂作爲姦詐以奪農時李說是也不享不行享獻之禮也

說曰木東方也於易地上之木爲觀其於王事威儀容貌亦可觀者也故行步有佩玉之度登車有和轡之節田狩有三驅之制飲食有享獻之禮出入有名使民以時務在勸農桑謀在安百姓如此則木得其性矣若迺田獵馳騁不反宮室飲食沈湎不顧法度妄興絲役已

卷十四中

八

奪民時作爲姦詐已傷民財則木失其性矣蓋工匠之爲輪矢者多傷敗及木爲變怪是爲木不曲直○知淳曰揉輪不曲揉矢不直也○臣瓚曰木爲變怪梓柱更生及變爲人形是也

案志引傳曰者伏生尙書大傳四十一篇中洪範五傳傳之文也稱說曰者當是歐陽夏侯等之說所以申釋五行傳者攷漢書藝文志載尙書歐陽章句三十一卷大小夏侯章句各二十九卷大小夏侯解詁二十九篇歐陽說義二篇豈志所稱說曰卽歐陽說

義二篇之語與

後漢書東平王蒼傳蒼上書曰臣聞時令盛春農事不聚興功傳曰田獵不宿飲食不享出入不節則木不曲直此失春令者也

續漢書五行志五行傳曰田獵不宿飲食不享出入不節奪民農時及有姦謀則木不曲直謂木失其性而爲災也○劉昭注補鄭元曰不宿不宿禽也角王天兵周禮四時習兵因以田獵禮志曰天子不合圖諸侯不掩羣過此則暴天物爲不宿禽角南有天庫將軍騎官享獻也禮志曰天子無事則歲三田一爲乾豆二爲賓客三爲充君之庖周禮獸人冬獻狼夏獻麋春秋獻獸物

卷十四中

九

此獻禮之大略也角爲天門房有三道出入之象也房心農時之候也季冬之月命農師耦耕事是以房心晨中春秋傳曰辰爲農祥后稷之所經緯也亢爲朝廷房心爲明堂謀事出政之象君行此五者爲逆天東宮之政東宮於地爲木木性或曲或直人所用爲器者也無故生不暢茂多有折傷是本不曲直木金水火土謂之五材春秋傳曰天生五材民並用之其政逆則神怒神怒則材失性不爲民用其他變異皆屬沴沴亦神怒者日月五星旣見適於天矣

案司馬彪續漢志云五行傳說及其占應漢書五行

志錄之詳矣故泰山太守應劭給事中董巴散騎常侍譙周竝撰建武以來災異今合而論之巨纘前志云則其義皆東漢經師舊說亦今文家尚書之學也梁劉昭注補云注五行補鄭元曰皆出注大傳也鄭注尚書大傳本久已亡失今故全載之以補傳注之逸焉

南齊書五行志本傳曰東方易經地上之木爲觀故木於人威儀容貌也木者春生氣之始農之本也無奪農時使民歲不過三日行什一之稅無貪欲之謀則木氣從如人君失威儀逆木行田獵馳騁不反宮室飲食沉湎不顧禮制出入無度多發徭役以奪民時作爲姦詐以奪民財則木失其性矣蓋以工匠之爲輪矢者多傷敗故曰木不曲直

卷十四中

十

隋書五行志五行傳曰木者東方威儀容貌也古者聖王垂則天子穆穆諸侯皇皇登車則有鸞和之節田狩則有三驅之制飲食則有享獻之禮出入有各使民以時無事不出境此容貌動作之得節所以順木氣也如人君違時令失威儀田獵馳騁不反宮室飲食沉湎不顧法度縱欲恣睢出入無度多徭役以奪人時增賦稅以奪人財則木不曲直

蕭吉五行大義洪範傳曰東方易云地上之木爲觀言
春時出地之木無不曲直花葉可觀如人威儀容貌也
春秋繁露五行順逆篇曰木者春生之性農之本也勸
農事無奪民時使民歲不過三日行什一之稅進經術
之士誣羣禁出輕繫去稽留除桎梏閉閑通障塞恩
及草木則樹木華而諸草生恩及鱗蟲則魚大爲鱣鯨
不見羣龍下如人君出入不時走狗試馬馳騁不反宮
室好姪樂飲酒沈湎縱恣不顧政治事多廢役以奪民
時作謀增端以奪民財民病疥搔溫體足筋痛咎及於
木則及木枯槁工匠之輪多傷敗毒水滄羣濶陂咎及
魚蟲則魚不爲羣龍深藏鯨出見

卷十四中

十一

案董子此篇與鴻範五行傳及說大指相同攷史記
儒林傳言漢定伏生求其書亡數十篇獨得二十九
篇卽以教於齊魯之間學者由是頗能言尙書諸山
東大師無不涉尙書以教矣漢書儒林傳亦云然董
子生於漢初爲世大儒於尙書之學自必精通漢書
五行志亦云摯仲舒著于篇是班氏已引取其說今
故採其書論五行者列於伏生大傳後以資參觀而

互證焉

漢書五行志傳曰棄法律逐功臣殺太子己妾爲妻則

火不炎上

說曰火南方揚光輝爲明者也其於王者南面鄉明而治書云知人則愆能官人故堯舜舉羣賢而命之朝遠四佞而放諸壘孔子曰浸潤之譖膚受之訴不行焉可謂明矣賢佞分別官人有序帥由舊章敬重功勳殊別適庶如此則火得其性矣若適信道不篤或燿虛僞讒夫昌邪勝正則火失其性矣自上而降及濫炎妄起灾宗廟燒宮館雖興師寇勿能救也是謂火不炎上○師古曰書虞書咎繇誓之辭愆智也能知其材則能官之所以爲智也四佞卽四凶也遠離也壘古野字適讀曰

卷十四中

十一

嫡炎讀曰燄

續漢書五行志五行傳曰彙法律逐功臣綬天子以妾爲妻則火不炎上謂火失其性而爲灾也○注鄭元曰東井王法令也功臣制法律者也或曰喙王尙食七星至衣裳張爲食厨翼至天倡經曰臣作朕股肱耳目予欲左右有民女翼予欲觀古人之象日月星辰山龍華蟲作續宗彝藻火粉米黼黻絺繡以五采章施於五色作服文明予欲聞六律五聲八音在治督以出納五言女聽是則食與服樂臣之所用爲大功也七星北有酒旗南有天厨翼南有器府五行火生土天文以參繼東

井四時以秋代夏殺太子之象也春秋傳曰夫千乘之
至將廢正而立不正必殺正也軒轅爲后妃屬南宮其
大星女主之位女御在前妾爲妻之象也君行此四者
爲逆天南宮之政南宮於地爲火火性炎然上行人所
用爲亨飪者也無故因見作熟燔燉爲害是爲火不炎
上其他變異皆屬沴也

案劉昭注補於火不炎上句引春秋考異郵曰火者
陽之精也人合天氣五行陰陽極陰反陽極陽反陰
故應人行以災不祥在所以感之萌應轉旋從逆殊
心也其說亦可互證

卷十四中

十三

隋志鴻範五行傳曰火者南方陽光爲明也人君向南
蓋取象也昔者聖帝明王負屨攝袂南面而聽斷天下
攬海內之雄俊積之於朝以續聰明推邪佞之僞臣投
之於野以通壅塞以順火氣不明之君惑於讒口白黑
雜操代相是非眾邪竝進人君疑惑棄法律間骨肉殺
太子逐功臣以孽代宗則火失其性

南齊志曰火南方揚光輝出炎爚爲明者也人君向明
而治蓋取其象以知人爲分讒佞既遠羣賢在位則爲
明而火氣從矣人君疑惑棄法律不誅讒邪則讒口行
內間骨肉外疎忠臣至殺世子逐功臣以妾爲妻則火

失其性上灾宗廟下灾府榭内燬本朝外燬觀闕雖與
師眾不能救也

案南齊志雖不標所出然其詞與五行傳同此蓋亦
鴻範傳之文也以下三節並同

春秋繁露五行順逆篇火者夏成長本朝也舉賢良進
茂才官得其能任得其力賞有功封有德出貨財賑困
乏正封疆使四方恩及於火則火順入而甘露降恩及
羽蟲則飛鳥大為黃鵠出見鳳凰翔如人君惑於讒邪
内離骨肉外疎忠臣至殺世子誅殺不辜逐忠臣以妾
為妻棄法令婦妾為政賜予不當則民病血壅腫目不
明眚及於火則大旱必有火哉摘巢探穀咎及羽蟲則
舊鳥不為冬應不來巢鵲羣鳴鳳皇高翔

卷十四中

十五

漢書五行志傳曰治宮室飾臺榭内淫亂犯親戚侮父
兄則稼穡不成

說曰土中央生萬物者也其於王者為内事宮室夫婦
親屬亦相生者也古者天子諸侯宮廟大小高卑有制
后夫人媵妾多少進退有度九族親屬長幼有序孔子
曰禮與其奢也寧儉故禹卑宮室文王刑於寡妻此聖
人之所以昭教化也如此則土得其性矣若迺奢淫驕
慢則土失其性亡水旱之灾而草木百穀不熟是為稼

穡不成

續漢書五行志五行傳曰治宮室飾臺榭內淫亂犯親戚侮父兄則稼穡不成謂土失其性而爲災也

隋志鴻範五行傳曰土者中央爲內事宮室臺榭夫婦親屬也古者自天子至於士宮室寢居大小有差高卑異等骨肉有恩故明王賢君修宮室之制謹夫婦之別加親戚之恩敬父兄之禮則中氣和人君肆心縱意大爲宮室高爲臺榭雕文刻鏤以疲人力淫佚無別妻妾過度犯親戚侮父兄中氣亂稼穡不成

蕭吉五行大義曰五行傳及白虎通皆云木非土不生

卷十四中

十五

根莖茂榮火非土不榮得木著形金非土不成入範成名水非土不停隄防禁盈土扶微助衰應成其道故五行更互須土土王四季而居中央不以名成時故知同時俱起但託義相生

春秋繁露五行順逆篇土者夏中成熟百種君之官循宮室之制謹夫婦之別加親戚之恩恩及土則五穀成而嘉禾興恩及裸蟲則百姓親附城郭充實賢君皆遷仙人降如人君好姪佚妻妾過度犯親戚侮父兄欺罔百姓大爲臺榭五色成光雕文刻鏤則民病心腹宛黃舌爛病咎及於土則五穀不成暴虐妄誅咎及裸蟲裸

蟲不爲百姓叛去賢聖放亡

漢書五行志傳曰好戰攻輕百姓飾城郭侵邊境則金不從革

說曰金西方萬物既成殺氣之始也故立秋而鷹隼擊秋分而微霜降其於王事出軍行師把旄杖鉞警士衆抗威武所以征畔逆止暴亂也詩云有虔秉鉞如火烈烈又曰載戢干戈載櫜弓矢動靜應誼說以犯難民忘其死金得其性矣若迺貪欲恣睢務立威勝不重民命則金失其性矣蓋工冶鑄金鐵冰滯涸堅不成者衆及爲變怪是爲金不從革○師古曰涸讀與洩同洩

凝也

卷十四中

十六

續漢書五行志五行傳曰好攻戰輕百姓飾城郭侵邊竟則金不從革謂金失其性而爲災也○注鄭元曰參伐爲武爲攻戰之象輕之者不重民命春秋傳曰師出不正反戰不正勝也昴畢間爲天街甘氏經曰天街保塞孔途道衢保塞城郭之象也月令曰四鄙入保畢三邊兵君行此四者爲逆天西宮之政西宮於地爲金金性革從形而革人所用爲器者也無故治之不銷或入火飛亡或鑄之裂形是爲不從革其變異皆屬沴也

隋志鴻範五行傳曰金者西方萬物既成殺氣之始也

古之王者興師動眾建立旗鼓以誅殘賊禁暴虐安天下殺伐必應義以順金氣如人君樂侵陵好攻戰貪城邑之賂以輕百姓之命人皆不安外內騷動則金不從革

南齊志曰金者西方萬物既成殺氣之始也其於五事兵戎戰伐之道也王者興師動眾建立旗鼓仗旄把鉞以誅殘賊正止暴亂殺伐應義則金氣從工冶鑄化軍成器也人君樂侵陵好攻戰貪城邑輕百姓之命人民不安內外騷動則金失其性蓋冶鑄不化冰滯涸堅故曰金不從革又曰維木沍金

卷十四中

七

春秋繁露五行順逆篇金者秋殺氣之始也建立旗鼓把仗旄鉞以誅殘賊禁暴虐安天下故動眾興師必應義理出則祠兵入則振旅以咸習之因於蒐狩存不忘亡安不忘危修城郭繕墻垣審羣禁飭兵甲警百官誅不法恩及於金石則涼風出恩及於毛蟲則走獸大為麒麟至如人君好戰侵陵諸侯貪城邑之賂輕百姓之命則民病喉咳嗽筋攣鼻仇塞咎及於金則鑄化凝滯涼堅不成四面張罔焚林而獵咎及毛蟲則走獸不為白虎妄搏麒麟遠去

漢書五行志傳曰簡宗廟不禱祠廢祭祀逆天時則水

不潤下

說曰水北方終臧萬物者也其於人道命終而形臧精神放越聖人爲之宗廟已收魂氣春秋祭祀已終孝道王者卽位必郊祀天地禱祈神祇望秩山川懷柔百神亡不宗事慎其齊戒致其嚴敬鬼神歆饗多獲福助此聖王所以順事陰氣和神人也至發號施令亦奉天時十二月咸得其氣則陰陽調而終始成如此則水得其性矣若邇不敬鬼神致令逆時則水失其性霧水暴出百川逆溢壞鄉邑溺人民及淫雨傷稼穡是爲水不潤下○師古曰懷來也柔安也謂招來而祭祀之使其安

也宗尊也

卷十四中

六

續漢書五行志五行傳曰簡宗廟不禱祠廢祭祀逆天時則水不潤下謂水失其性而爲災也○注鄭元曰虛危爲宗廟牽牛主祭祀之牲日在星紀周以爲正在元枵殷以爲正皆不得四時之正逆天時之象也春秋定十五年夏五月辛亥郊譏連卜三正以至失時是其類也若行此四者爲逆天北宮之政也北宮於地爲水水性潤下流人所用灌溉者也無故源流竭絕川澤以涸是爲水不潤下其他變異皆屬沴也

隋志鴻範傳曰水者北方之藏氣至陰也宗廟者祭祀

之象也故天子親耕以供粢盛皇后親蠶以供祭服敬之至也發號施令十二月咸得其氣則水氣順如人君簡宗廟不禱祀逆天時則水不潤下

南齊志曰水北方冬藏萬物氣至陰也宗廟祭祀之象死者精神放越不反故爲之廟以收其散爲之貌以收其魂神而孝子得盡禮焉敬之至則神歆之此則至陰之氣從則水氣從溝瀆隨而流去不爲民害矣人君不禱祠簡宗廟廢祭祀逆天時則霧水暴出川水逆溢壞邑軼鄉沈溺民人故曰水不潤下

尚書大傳曰王者躬耕所以供粢盛

卷十四中

十九

尚書大傳又曰古者天子諸侯必有公桑蠶室就川而爲之築官有三尺棘墻而外閉之天所之朝三宮之夫人沐種於川世婦卒蠶獻繭於夫人纁三盆手○注云官當爲宮雉長三丈高一丈度長以長度高以高則蠶宮高一丈禮志曰仞有三尺七尺曰仞大昕季春朔日之朝也獻繭於夫人此諸侯之禮天子則獻繭於后手猶親也言后夫人親以手總之也

案有三尺之上脫去仞字宜補

春秋繁露五行順逆篇水者冬藏至陰也宗廟祭祀之始敬四時之祭禘祫昭穆之序天子祭天諸侯祭土閉門閭大搜索斷刑罰執當罪飭關梁禁外徙恩及於水

則醴泉出恩及介蟲則鼃鼃大爲蠱龜出如人君愓宗廟不禱祠廢祭祀執法不順逆天時則民病流腫水脹痿痺孔竅不通咎及於水霧氣冥冥必有大水水爲民害咎及介蟲則龜深藏龜鳴

春秋繁露五行相生篇天地之氣合而爲一分爲陰陽判爲四時列爲五行行者行也其行不同故謂之五行五行者五官也比相生而間相勝也故謂治逆之則亂順之則法

又曰東方者木農之本司農尚仁進經術之士道之以帝王之路將順其美匡救其惡執規而生至溫潤不知地形肥饒美惡立事生則因地之宜召公是也親入南畝之中觀民墾草發溜耕種五穀積蓄有餘家給人足倉庫充實司馬食谷司馬本朝也本朝者火也故曰木

生火

又曰南方者火也本朝司馬尚智進賢聖之士上知天文其形兆未見其萌芽未生昭然獨見存亡之機得失之要治亂之源豫禁未然之前執矩而長至忠厚仁輔翼其君周公是也成王幼弱周公相誅管叔蔡叔以定天下天下旣甯以安君官者司營司營者土也故曰火

生土

又曰中央土者君官也司營尙信卑身賤體夙興夜寐稱述往古以厲主意明見成敗微諫納善防滅其惡絕源塞隙執繩而制四方至忠厚以信其君據義割恩太公是也應天因時之化威武強禦以成大理者司徒也司徒者金也故曰土生金

又曰西方者金大理司徒也司徒尙義臣死君而衆人死父親有尊卑位有上下各死其事事不踰矩執權而伐兵不苟克取不苟得義而後行至廉而威質直剛毅子耳是也伐有罪討不義是以百姓附親邊境安甯寇賊不發邑無訟獄則親安執法者司寇也司寇者水也

故曰金生水

卷十四中

五

又曰北方者水執法司寇也司寇尙禮君臣有位長幼有序朝廷有爵鄉黨以齒升降揖讓般伏拜謁折旋中矩立而磬折拱則抱鼓執衡而藏至清廉平賂遺不受請謁不聽據法聽訟無所有阿孔子是也爲魯司寇斷獄屯屯與衆其之不敢自專是死者不恨生者不怨百工維時以成器械器械旣成以給司農司農者田官也田官者木故曰水生木

春秋繁露五行相勝篇木者司農也司農爲茲朋黨比周以蔽主明退匿賢士絕滅公卿教民奢侈賓客交通

不勸田事博戲鬪雞走狗弄馬長幼無禮大小相虜竝

為寇賊橫恣絕理司徒誅之齊相是也行霸任兵侵蔡蔡潰遂伐楚楚人降伏以

安中木者君之官也夫木者農也農者民也不順如叛

則命司徒誅其不率正矣故曰金勝木案如而古書通用誅其不率正

矣坊本脫去不字今訂補之

又曰火者司馬也司馬為讒反言易辭以譖愬人內離

骨肉之親外疎忠臣賢聖旋亡讒邪日昌晉上大失季孫是也專權

擅勢薄國威德反以愈惡語愬其羣臣奴惑其君孔子為魯司寇據義行法季孫自消墮費祁城兵甲有差

夫火者本朝有邪讒熒惑其君執法誅之執法者水也

故曰水勝火案坊本作執法者土也故土者君之官也字既訛誤又并下節土者君之官也為一

是五行相勝少水勝火之文矣顯係轉寫譌脫今為訂補之如右

卷十四中

又曰土者君之官也其相司營為神主所為皆可至

所言皆曰善調順主指聽從為比進主所善以快主意

導主以邪陷主不義大為宮室多為臺榭彫文刻鏤五

色成光賦歛無度以奪民財多發徭役以奪民時作事

無極以奪民力百姓愁苦叛去其國楚靈王是也作乾谿之臺三年不成

百姓罷弊而叛反其身弑夫土者君之官也君大奢侈過度失禮民

叛矣其民叛其君窮矣故曰木勝土

又曰金者司徒也司徒為賊內得於君外驕軍士專權擅勢誅殺無罪侵伐暴虐攻戰妄取令不行禁不止將

率不親士卒不使兵弱地削令君有恥則司馬誅之楚殺

其司徒得臣是也得臣數戰破敵內得於君驕蹇不

卹其下卒不爲使當敵而弱以危楚國司馬誅之

金

者司徒司徒弱不能使士卒則司馬誅之故曰火勝金

又曰水者司寇也司寇爲亂足恭小謹巧言令色聽謁

受賂阿黨不平慢令急誅誅殺無罪則司營誅之營蕩是也

爲齊司寇太公封於齊問蕩以治國之要營蕩對曰任仁義而已太公曰任仁義奈何營蕩對曰仁者愛人者有子不食其力尊老者妻長而夫拜之太公曰寡人欲以仁義治齊今子以仁義亂齊寡人立而誅之以定齊

國夫水者執法司寇也執法附黨不平依法刑人則司

營誅之故曰土勝水

春秋繁露治水五行篇曰日冬至七十二日木用事其

卷十四中

三

氣燥濁而青七十二日火用事其氣慘陽而赤七十二

日土用事其氣溫濁而黃七十二日金用事其氣慘淡

而白七十二日水用事其氣清寒而黑七十二日復得

木木用事則行柔惠誕羣禁至于立春出輕繫去稽畱

除桎梏開閉闔通障塞存幼孤矜寡獨無伐木火用事

則正封疆循田疇至于立夏舉賢良封有德賞有功出

使四方無縱火土用事則養長老存幼孤矜寡獨賜孝

悌施恩澤無興土功金用事則修城郭繕墻垣審羣禁

飭甲兵警百官誅不法存長老無焚金石水用事則閉

門閭大搜索斷刑罰執當罪飭關梁禁外徙無決池隄

春秋繁露治亂五行篇火干木蟄蟲蚤出蛟雷蚤行

土干木胎天卵暝鳥蟲多傷 金干木有兵 水干木

春下霜 土干火則多雷 金干火草木夷 水干火

夏雹 木干火則地動 金干土則五穀傷有殃 水

干土夏寒雨霜 木干土傑蟲不爲 火干土則大旱

水干金則魚不爲 木干金則草木再生 火干金

則草木秋榮 土干金五穀不成 木干水冬蟄不藏

土干水則蟄蟲冬出 火干水則星墜 金干水則

冬大寒

春秋繁露五行變救篇五行變至當救之以德施之天

卷十四中

十四

下則咎除不救以德不出三年大雷雨石木有變春涸

秋榮秋水冰春多雨此繇役衆賦歛重百姓貧窮叛去

道多饑人救之者省繇役薄賦歛出倉穀賑困窮矣火

有變冬溫夏寒此王者不明善者不賞惡者不誅不肖

在位賢者伏匿則寒暑失序而民疾疫救之者舉賢良

賞有功封有德土有變大風至五穀傷此不信仁賢不

敬父兄淫佚無度宮室多營救之者省宮室去雕文舉

孝弟恤黎元金有變畢昴爲回三覆有武多兵多盜寇

此棄義貪財輕民命重貨賂百姓趣利多姦軌救之者

舉廉潔立正直隱武行文東甲械水有變冬濕多霧春

夏雨霽此法令緩刑罰不行救之者憂囹圄究姦軌誅
有罪蒐五日

五事一曰貌二曰言三曰視四曰聽五曰思貌曰恭言曰
從視曰明聽曰聰思曰睿恭作肅從作艾明作愨聰作謀
睿作聖

史記宋世家五事一曰貌二曰言三曰視四曰聽五曰
思貌曰恭視曰明聽曰聰思曰睿恭作肅從作治明作
智聰作謀睿作聖○集解馬融曰發言當使可從出令
而從所以爲治也睿通也上聰則下進其謀

案古文尙書作五曰思思曰睿睿作聖今文尙書作

卷十四中

五五

五曰思心思心曰容容作聖宋世家載鴻範篇與古
文尙書同疑卽孟堅所謂多從孔安國問用古文說
者然史記漢書每遭俗人妄改今姑仍之辨詳見後
按段玉裁曰如五是來備四字今本改爲曰時五者
來備六字揆其所以蓋裴駮集解用孔安國注五者
各以時之語則淺人增曰時二字固無足怪此處集
解亦用馬融注睿通也孔安國注於事無不通謂之
聖則正文改容作睿亦無足怪且或裴駮前已有改
之今本史記未可盡信也

尙書大傳曰心之精神是謂聖

案此句見孔子集語卷下及釋史八十六蓋卽釋洪範思心曰容容作聖之訓也

思曰睿 睿作聖

漢書五行志經曰蓋用五事五事一曰貌二曰言三曰視四曰聽五曰思貌曰恭言曰從視曰明聽曰聰思曰睿恭作肅從作艾明作忝聰作謀睿作聖○應劭曰睿通也上聰則下謀故聰爲謀也○張晏曰睿通達以至於聖

案說文睿在谷部云深通川也睿在叟部通也小篆

作𡗗古文作睿睿是睿與睿截然兩字矣集韻十三祭

卷十四中

三

云𡗗古文作睿睿以睿睿爲一字殊誤辨詳見後今本漢書作五曰思思曰睿睿作聖疑亦出後人所改也

又案尙書正義曰此章所演亦爲三重第一言其所名第二言其所用第三言其所致鄭云此數本諸陰陽昭明人相見之次也恭明聰睿行之於我身其從則是彼人從我似與上下違者我是而彼從亦我所爲不乖刺也皆謂其政所致也君貌恭則臣禮肅君言從則臣職治君視明則臣昭晰君聽聰則臣進謀君思睿則臣賢智鄭意謂此所致皆是君致臣也案

庶徵之意休咎皆肅父所致若肅父明聰皆是臣事則休咎所致皆不由君何不然之甚乎喬樞謂鴻範五事雖據人君爲說要當君臣各敬用其事觀鄭君尚書大傳注其誼自明但不必以恭肅等分屬君臣反致費解鄭注尚書云云據古文家說也其據大傳云云用今文家說也義實亦互相備耳觀馬融注尙書解聰作謀云上聰則下進其謀應劭注漢書亦云上聰則下謀故曰聰作謀與馬鄭解合蓋東漢之末古文尙書已顯於世通儒多涉獵之故應劭時亦兼採古文尙書說也

卷十四

五

漢書天文志歲星曰東方春木於人五常仁也五事貌也仁虧貌失逆春令傷木氣罰見歲星○晉灼曰太歲在四仲則歲行三宿太歲在四孟四季則歲行二宿二八十六三四十二而行二十八宿十二歲而周天熒惑曰南方夏火禮也視也禮虧視失逆夏令傷火氣罰見熒惑○晉灼曰常以十月入太微受制而出行列宿司無道出入無常也

太白曰西方秋金義也言也義虧言失逆秋令傷金氣罰見太白○晉灼曰常以正月甲寅與熒惑晨出東方二百四十日而入四十日又出西方二百四十日而入

三十五日而復出東方出以寅戌入以丑未也

辰星曰北方冬水知也聽也知虧聽失道冬令傷水氣
蜀見星辰○晉灼曰常以二月春分見奎婁五月夏至
見東井八月秋分見角亢十一月冬至見牽牛出以辰
戌入以丑未二旬而入晨候之東方夕候之西方也
填星曰中央季夏土信也思心也仁義禮智曰信爲玉
貌言視聽以心爲正故四星皆失填星迺爲之動○晉
灼曰常以甲辰元始建斗之歲填星一宿二十八歲而
周天也

案五常所屬漢書天文志以智屬水信屬土禮記中

卷十四中

天

庸鄭注言木神則仁金神則義火神則禮水神則信
土神則智說各不同毛公及京房等皆以土爲信水
爲智與天文志合攷易乾鑿度云孔子曰八卦之序
成立則五氣變形故人生而應八卦之體得五氣以
爲五常仁義禮信智是也萬物始出於震震東方之
卦也陽氣始生受形之道也故東方爲仁成於離離
南方之卦也陽得正於上陰得正於下尊卑之象定
禮之序也故南方爲禮入於兌兌西方之卦也陰用
事而萬物得其宜義之理也故西方爲義漸於坎坎
北方之卦也陰氣形盛陽氣含閉信之類也故北方

爲信四方之義皆統於中央故乾坤艮巽位在四維
中央所以繩四方行也智之決也故中央爲智道興
於仁立於禮理於義定於信成於智五者道德之分
也天人之際也聖人所以通天意理人倫而明至道
也而乾坤鑿度則云運五行先水次木次火次土及
金木仁火禮土信水智金義又云坤元有信坤道有
閉亦兩說兼載者蓋土總四行居時之季辰之數五
得土之生氣五行大義云寅爲陽始申爲陰始自辰
數至申數五自戌數至寅數亦五也揚
子太元云子午之數九丑未八寅申七卯酉六辰
戌五巳亥四十二辰中惟辰戌皆五得土之數
又水之所歸也故土爲信爲智兼二道也白虎通曰

卷十四中

脾所以信何脾者土之精也土尙任養萬物爲之象
生物無私信之至也故脾象土色黃也口爲之候何
口能啖嘗舌能知味亦能出音聲吐滋液故元命包
曰口者脾之門戶脾者土之精上爲北斗王變化者
也言口爲之候是信之誼也言土王變化是智之誼
也易是類謀曰乾建度坤拒謀淫云坤爲土土性智
故謀屬焉水亦得兼二道者五藏配以六府水府有
二膀胱者水之府三焦者亦水之府也水所以有二
府者水屬陰陰數偶也五藏之中腎藏有雙亦其象
也孔子曰智者樂水則智屬水矣素問曰腎者作強

之官伎巧出焉巧卽智之誼孟子曰智譬則巧也是其明證易乾坤鑿度曰水爲天地信順氣而潮潮者水氣水氣來往行險而不失其信者也漢書翼奉傳注載晉灼引翼氏五性云脾性力力行信戊癸壬之戊土也癸水也揚子太元云甲己之數九乙庚八丙辛七丁壬六戊癸五五者土之數也而癸得之故信可知古訓如是後之說經者或專舉一誼或兼存二誼其說並通非有違異也

荀悅孝惠皇帝紀五事一曰貌二曰言三曰視四曰聽五曰思心木爲貌貌曰恭恭作肅肅時雨若厥福攸好

卷十四中

三

德貌失厥咎狂厥罰常雨厥極惡金爲言言曰從從作又又時暘若厥福康甯言失厥咎僭厥罰常暘厥咎憂火爲視視曰明明作哲哲時燠若厥福壽視失厥咎狂厥罰常煥厥極疾水爲聽聽曰聰聰作謀謀時寒若厥福富聽失厥咎急厥罰常寒厥極貧土爲思心思心曰容容作聖聖時風若厥福考終命思心失厥咎霧厥罰常風厥極凶短折皇之不極厥咎眊厥罰常陰厥極弱案明作哲尙書正義云哲王肅及漢書五行志皆云慈智也鄭本作哲則讀爲哲段玉裁曰按說文日部哲昭晰明也从日折聲口部哲知也从口折聲心部

慙敬也从心折聲二字各有所屬本義而經傳多相
假借鴻範五行傳作慙而孟堅因之子雍從之作慙
訓智此假慙爲哲也漢書內多如此鄭本作哲云君
視明則臣照哲照哲二字與說文昭晰同與易之明
辨哲也同解非讀爲哲也詩小旻正義引鄭注順小
旻經文改爲昭哲惠氏定字集鄭注改爲照慙又引正義
云哲讀爲哲按正義鄭本作哲則皆非耳宋元本注
讀爲哲玩則字知讀爲哲非鄭語疏云王肅
及漢書五行志皆作哲定本作哲則讀爲哲作正義
者不暇分別慙哲之不嗣但以哲與哲則異耳漢書
多慙哲不分加五行志云知人則慙刑法志云
云聖人既窮明慙之性慙民惟刑皆卽哲字也若隋
書五行志視之不明是謂不知此蓋古本尙書大傳

卷十四中

五

作知古者哲訓知因以知代哲如夏紀知人則智宋
世家明作智皆智知通用宋世家以智代哲者蓋今
文尙書作哲字也或問說文口部哲字下又出慙字
說文矣何子必分而二之應之曰心部慙敬也此許
君原書也且慙慙同哲此必後人據漢書屏入者也
讀書貴識古書之正譌段說是已

又案段玉裁曰古文尙書五曰思今文尙書作五曰

思心尙書大傳鴻範五行傳次五事曰思心思心之

不容今本改云五事曰是謂不聖此一證也又曰禦

思心於有尤此二證也大傳注云凡貌言視聽思心

今刻本無此三一事失則逆人之心又云包貌言視
字文獻通考有

聽而載之以思心者又云君思心不通又云思心曰
士又云眷與思心之咎同耳又云六事貌言視聽思
心王極也此三證也漢書藝文志曰貌言視聽思心

失而五行之序亂此四證也五行志經曰五日思心

今本思心曰容今本傳曰思心之不容是謂不聖思

無心此釋思心甚明今本容寬也此五證

心者心思慮也乃改云思之不容也高誘注戰國策引五行傳曰思心之不容是謂不

聖此六證也荀悅孝惠皇帝紀五日思心今本土為

思心思心曰容容作聖今本譌作土為思思無心此七證

也孝昭皇帝紀曰思心霧亂之應此八證也司馬紹

卷十四中

統五行志曰思心不容是謂不聖此九證也惟今文

尚書作五曰思心思心曰容而後伏生鴻範五行傳

因之各家言五行傳者又因之學者不知有思心往

往妄為刪改又漢書五行志引鴻範此經思下無心

者小顏依古文尚書刪之也應劭注曰思思慮按劭

當云思心思慮也此用班語為注思心古文作思今本應

注纔三字淺人刪改之本也段說甚精確

又案古文尚書思曰睿今文尚書作思心曰睿段玉

裁云洪範五行傳曰五事五曰思心思心之不容是

謂不聖鄭注曰容當為睿睿通也此據孔安國本以

正伏本其證一也董仲舒春秋繁露曰五事五曰思

心今本無心

又曰思心無心今本

曰容容者言無不容容作聖

聖者設也王者心寬大無不容則聖能施設事各得其宜也其證二也劉向說苑君道篇尹文對齊宣王曰人君之事無爲而能容下大道容衆大德容下聖人寡爲而天下理矣書曰容作聖此子政引令文尚書也若作睿字則與上文不屬今本妄改作睿非也其證三也五行志經曰五事五曰思心思心曰容容作聖傳曰思心之不容是謂不聖思心者心思慮也容寬也孔子曰居上不寬吾何以觀之哉言上不寬

卷十四

三

大包容臣下則不能居聖位容字今本皆作容此容字少一畫也經傳皆作容而以寬訓之一氣銜接倘易爲他字則不相貫弗其證四也應劭注漢書云容古文作睿此正與韋昭云古文台爲嗣古文隔爲擊孟康云祖古文言阻許叔重云畀枏古文言由枏一例其下文蒙唐字云通也此識古文異字異義而不若鄭注大傳直云容當爲睿者以班氏主寬容之說非可僞背小顏漢書乃改正文作容謂容睿爲一字

以傅合古文尚書

說文容在谷部深通川也睿在奴部通也小篆作畀古文作睿是睿

與睿微然二字

又改應注睿通也爲睿通也移置古文作睿

之上強令睿廢爲今古字若張晏注亦刪節不完度
張注當云容古文作睿睿通也通達以至於聖凡十
四字刪改之曰睿通達以至於聖繼七字不可讀小
顏之誤實因不解古文作睿之古文謂古文尙書直
訓爲古字因謂容與睿同字容爲睿字誤重此馳繆
自小顏而前班書斷無作容者其證五也高誘戰國
策云五行傳曰思心之不容是謂不聖其證六也司
馬紹統及晉書隋書五行志皆引五行傳曰思心不
容是謂不聖其證七也

惟沈約宋書作思心不
容豈從鄭大傳注與

詩小

雅小旻鄭箋云書曰睿作聖明作哲聰作謀恭作肅

卷十四中

三十四

從作艾詩人之意欲王敬用五事以明天道按此鄭
引古文尙書也故睿不作容敬不作羞其不依尙書
原文者依詩經文爲序也說文十篇思容也从心囟
聲向時錢辛楣少詹事亦舉爲睿作容之證王裁按
容乃睿之字誤不得因伏董劉班說鴻範作思心曰
容而謂許同也許此乃訓字非訓尙書也今本尙書
思心曰容思不訓容謂思貴容耳不當爲是不完之
語假令或云視明也聽聰也貌恭也言從也豈成文
理乎容訓深通川也人之思如睿川然思與容雙聲
故以睿訓思此如髮拔也尾微也門聞也戶護也皆

以同音爲訓說文有此一例而字與容相似遂誤爲容矣說文之容誤爲容漢書之容誤更爲容眞是物必有耦至於容與睿二字形異音異義異小篆容古文作潛說文引容映滄小篆叡古文作睿此形異也容私闈切睿以芮切此音異也毛詩故訓傳曰潛深也馬注尙書鄭注大傳許造說文皆曰睿通也此義異也思如睿川而不期於睿則雖有深而不通者矣睿者人所同然睿者道所必然也故思曰睿猶睿曰睿也詹事嘗言春秋繁露漢書說文皆作容容字義長思主於容則恐失之深刻玉裁按漢人所徵引尙書見於

卷十四中

三五

史記前後漢書者皆系伏生今文以功令所重博士所習也若鴻範五行傳出於伏生則思心曰容容作聖爲今文尙書無疑劉向說苑引容作聖容厭之說尤爲顯白啓事言容字義長竊有未安古文睿字畢竟勝於今文是以鄭用古文正大傳也但今文尙書竝非伏生有誤是伏生所受本如是耳觀說苑尹文引尙書容作聖則作容非始伏生也又如秦始昉於唐山甫刑見於禮記談談雖言早錄於公羊是可證矣

春秋繁露五行五事篇曰王者與臣無禮貌不肅敬則

木不曲直而夏多暴風風者木之氣也其音角也故應之以暴風王者言不從則金不從革而秋多霹靂霹靂者金氣也其音商也故應之以霹靂王者視不明則火不炎上而秋多雷電者火氣也其音徵也故應之以電王者聽不聰則水不潤下而春夏多暴雨兩者水氣也其音羽也故應之以暴雨王者心不能容則稼穡不成而秋多雷電者土氣也其音宮也故應之以雷五事一曰視二曰言三曰視四曰聽五曰思何謂也夫五事者人之所受命於天也而王所修而治民也故王者爲民治則不可以不明準繩不可以不正王者貌曰恭恭者敬也言曰從從者可從視曰明明者知賢不肖者分明黑白也聽曰聰聰者能問事而審其意也思曰睿睿者言無不容恭作肅從作乂明作哲聰作謀睿作聖何謂也恭作肅言王誠能內有恭敬之姿而天下莫不肅矣從作乂言王者言可從明正從行而天下治矣明作哲哲者知也王者明則賢者進不肖者退天下知善而勸之知惡而恥之矣聰作謀謀者謀事也王者聰則聞事與臣下謀之故事無失謀矣睿作聖聖者設也王者心寬大無不容則聖能施設事各得其宜也

案王鳴盛尚書後案曰五事配五行諸說互異貌木

言金視火聽水思土伏生董仲舒劉歆眭孟等之說
災異班固之志五行鄭康成之注大傳竝同此說其
也伏生等說本易八卦方位四正卦東震爲春爲木
西兌爲秋爲金北坎爲冬爲水南離爲夏爲火土寄
王西南位實中央五事分配之說卦傳云震動也兌
說也坎陷也離麗也艱王動爲震言王說爲兌聽者
耳有陷象爲坎視者光之麗於物爲離又云震爲足
坎爲耳離爲目兌爲口耳目口固顯合而足亦艱之
動也又云坎爲耳痛兌爲口舌注家云坎爲耳爲疾
故爲耳痛兌得震聲故爲口舌又虞翻逸象云坤爲

卷十四中

三

忠爲土坎爲虛爲入爲納離爲見爲明爲光是皆足
以證伏生等說此外劉向則別爲一說攷庶徵雨乃
艱不恭劉歆以爲卽春秋大雨而劉向以爲卽大水
旣以恒雨爲大水當艱不恭之罰則艱改屬水矣王
充論衡訂鬼篇云鴻範五行言火同氣故童謠爲妖
言世謂童子爲陽故妖言出小童童巫含陽故大雩
舞童纍巫又言毒篇云諺曰眾口爍金口者火也五
行二曰火五事二曰言言與火直故云爍金金制於
火火口同類也如劉向王充說推之旣以艱言改屬
水火則當以視聽改屬木金惟思屬土仍伏生之舊

耳此說在漢俗儒初爲異論者誤以五事之次卽五行之次故也近人又衍其說云雨爲水易象坎爲雨雨與肅應則象當屬水暘爲火易象離爲火暘又與父應則言當屬火木爲煥燠應哲則視屬木金爲寒寒爲謀則聽屬金云云不知坎本水也借雨以爲坎象不可卽以雨爲水離本火也借日以爲離象不可卽以日爲火况強木以爲煥而火位正北於時夏也反不得爲煥強金以爲寒而水位正北於時冬也反不得爲寒有是理乎然則貌言屬水火視聽屬木金者其說妄也其後俗儒又別造一說云脾之發爲貌

卷十四中

三

而壬土肺之發爲言而壬金肝之發爲視而壬木腎之發爲聽而壬水心之發爲思而壬火此說因五藏所屬推得本之內經素問乃醫家之言非鴻範義月令五時祭各以一藏爲先乃以性配五行之位而先祭之故正義引鄭駁異義云今文尙書歐陽說肝木也心火也脾土也肺金也腎水也古尙書說脾木也肺火也心土也肝金也腎水也許慎說文月令春祭脾夏祭肺季夏祭心秋祭肝冬祭腎與古尙書同鄭駁之云月令祭四時之位曰其藏之上下次之耳冬位在後而腎在下夏位在前而脾在上春位小前故

祭先脾秋位小却故祭先肝腎也脾也俱在竈下肺也心肝也俱在竈上祭者必三故有先後焉不得同五行之氣今醫病之法以肝爲木心爲火脾爲土肺爲金腎爲水則有瘳也若反其術不死爲劇是鄭論醫病之法當從今文尙書歐陽說不當從古尙書說但此既是醫病之法則與鴻範之言理氣象數相爲配合者不同歐陽家說以之療病則可以之說經則謬鄭意已顯然矣蓋相配與相屬不同鴻範以其形象之相配者言醫家以其氣質之相屬者言各有攸當不可強合爲一至許慎所從之古尙書說則與諸

卷十四中

五

家又俱不同而別爲一義乃以貌爲木言爲火思爲土視爲金聽爲水鄭說既斥其與醫理不合若以治疾非死必劇則其與鴻範不合又不待言矣五事配五行總以伏鄭爲定荀樅謂王氏之說未諦蓋五行有相生之序有相克之序禹貢之六府孔修左氏傳以水火金木土穀言之此相克之序也鴻範之六診作見伏生傳以木火土金水言之此相生之序也五行有生數之次有成數之次月令春其數八夏其數七秋其數九冬其數六此成數之次也鴻範一曰水二曰火三曰木四曰金五曰土此生數之次也惟月

令中央土其數五與鴻範土數同鄭注以爲土生數
五成數十但言五者土以生爲本也然則知五行或
以相生爲序或以相克爲序或以生數而言或以成
數而言義各有取不必強合使一也春秋繁露五行
之義篇曰五行一曰木二曰火三曰土四曰金五曰
水木五行之始也水五行之終也土五行之中也此
其天次之序也木生火火生土土生金金生水水生
木此其父子也木居左金居右火居前水居後土居
中央此其父子之序相受而布是故木受水火受木
土受火金受土水受金也諸授之者皆其父受之者

卷十四中

四

皆其子也常因其父以使其子天之道也今攷鴻範
五行傳言長事一曰貌次二事曰言次三事曰視次
四事曰聽次五事曰思心鄭注云貌曰木言曰金視
曰火聽曰水思心曰土接此亦以相克爲序但與六
府又有順數逆數之不同六府之水火金木土皆已
之所克順而數之者也五事之木金水火土皆已之
所受克逆而數之者也至鴻範五行傳言人君行政
之失則首言木不曲直次以火不炎上次以稼穡不
成次以金不從革終以水不潤下是六沴之作與五
行五事次序又不相同而與董子論五行之義適合

蓋人君行政必順天之道天時首春王木次夏王火
次季夏王中央土次秋王金次冬王水故以木爲五
行之始土爲五行之中水爲五行之終王者發於其
政必順天次之序而行也按齊詩四始之說毛詩正
義引汜歷樞云大明在亥水始也四牡在寅木始也
嘉魚在巳火始也鴻雁在申金始也詩陳四始言木
火金水本始之氣而不及土土所以不爲始者木火
金水非土不成土王於四季爲四行之王卽月令季
夏中央土之誼亦卽鴻範傳土次木火與金水中之
誼春秋繁露所云木居左金居右火居前水居後土

卷十四中

五

居中央相受而布者與此誼正同鴻範五行傳首言
木者傳皆至王事而言此卽易帝出乎震之義易乾
鑿度載孔子曰立德之數先立木五德以木爲首亦
同此義也齊詩五際之說卽顛引詩汜歷樞曰卯酉
之際爲革政午亥爲革命神在天門出入候聽言神
在戌亥司候帝王興衰得失厥善則昌厥惡則亡亦
與鴻範五事之次適合貌曰木言曰金此卽卯酉之
際也視曰火聽曰水此卽午亥之際也思心曰土此
卽戌際也宋均注汜歷樞云神陽氣君象也天門戌
亥之間乾所據者按戌爲土位戌亥之間乾據之有

君之象焉白虎通論五行曰行有五時有四何土尊
不論職君不居部故時有四也鄭注鴻範五行傳曰
思心曰土土王四時至消息生殺長藏之氣所以殖
萬物之命者也然則思心之失厥咎尤重五際之厄
尤以戌爲大故郎顛於順帝陽嘉中條對七事言於
詩三暮高祖起亥仲二年今在戌仲十年今年仲竟
來命入季宜因斯際大蠲法令改元更始也齊詩三
暮之法汜歷樞云凡推其數皆從亥之仲起此天地
所定位陰陽之氣週而復始萬物死而復蘇大統之
始此卽鴻範五行一曰水以水爲始之誼亦卽周易
繫傳天一生水之誼也據此諸說亦足證五行先後
之序各有不同者固各有所取義必欲比而同之則
是執一不通之論未可爲訓也

卷十四中

望

鴻範五行傳曰長事一曰貌貌之不恭是謂不肅厥咎
狂厥罰恒雨厥極惡時則有服妖時則有龜孽時則有
雞旣時則有下體生上之痾時則有青青青祥惟金沴
木○注長猶君也肅敬也君貌不恭則是不能敬其事
也君臣不敬則倨慢如狂矣貌曰木主春春氣生生氣
失則踰其節故常雨也生氣失故於人則爲惡服貌之
飾也龜蟲之生於水而游於春者也屬木雞畜之有冠

翼者也屬貌痾病也下體生上之痾貌氣失之病也青木色也青生於此祥自外來也疹疹也凡貌言視聽思心一事失則逆人之心人心逆則怨木金水火土氣爲之傷傷則衝勝來乘殄之於是神怒人怨將爲禍亂故五行先見變異以譴告人也及妖孽痾青祥皆其氣類暴作非常爲時怪者也各以物象爲之占也

漢書五行志傳曰貌之不恭是謂不肅厥咎狂厥罰恒兩厥極惡時則有服妖時則有龜孽時則有雞蹠時則有下體生上之痾時則有青雘青祥唯金疹木○韋昭曰下體生上若牛之足反出背上下欲伐上之禍也○

卷十四中

聖

李奇曰內曰眚外曰祥○服虔曰疹書也○如淳曰疹音拂戾之戾義亦同

說曰凡車物之類謂之妖妖猶天胎言尚微蟲豸之類謂之孽孽則牙孽矣及六畜謂之旤言其著也及人謂之痾痾病貌言淺深也甚則異物生謂之眚自外來謂之祥祥猶禎也氣相傷謂之疹疹猶臨莅不和意也每一事云時則已絕之言非必俱至或有或亡或在前或在後也貌之不恭是謂不肅肅敬也內曰恭外曰敬人君行已體貌不恭怠慢驕蹇則不能敬萬事失在狂易故其咎狂也上媮下暴則陰氣勝故其罰常雨也水傷

百穀衣食不足則姦動竒作故其極惡也一日民多被刑或形貌醜惡亦是也風俗狂慢變節易度則爲剽輕奇怪之服故有服妖水類動故有龜孽於易巽爲雞雞有冠距文武之象不爲威儀貌氣毀故有雞旤一曰水歲雞多死及爲怪亦是也上失威儀則下有強臣害君上者故有下體生於上之痾木色青故有青雘青祥凡貌傷者病木氣則金沴之衝氣相通也於易震在東方爲春爲木也兌在西方爲秋爲金也離在南方爲夏爲火也坎在北方爲冬爲水也春與秋日夜分寒暑平是以金木之氣易以相變故貌傷則致秋陰常雨言傷則致春陽常旱也至於冬夏日夜相反寒暑殊絕水火之氣不得相併故視傷常與聽傷常寒者其氣然也逆之其極曰惡順之其福曰攸好德

卷十四中

五七

案五行志又云劉歆貌傳曰有鱗蟲之孽羊旤鼻痾說以爲天文東方辰爲龍星故爲鱗蟲於易兌爲羊木爲金所病故致羊旤旤與常雨同應此說非是春與秋氣陰陽相敵木病金盛故能相并此一事耳旤與妖痾祥膏同類不得獨異班不從劉歆說者以五行傳是伏生所傳授孝武時夏侯始昌通五經善推五行傳以傳族子勝下及許商皆以教所賢弟子其

傳與劉向同惟劉歆傳獨異與今文家尚書說不合故所不取或曰歆好古文尚書者歆傳當是用古文說喬樅謂子政亦嘗據中古文尚書考其同異而其傳仍與夏侯等同可見古文今文於鴻範五行五事休咎之徵竝無異說又班氏一再引劉歆說以爲羸蟲之孽屬思心不容劉歆以爲庶徵皆以羸爲孽思心羸蟲孽也作思心作容皆歆用今文尚書之驗然則歆傳之獨異者蓋亦未免好奇之過歟

續漢書五行志五行傳曰貌之不恭是謂不肅厥咎狂厥罰恒雨厥極惡時則有服妖時則有龜孽時則有雞禍時則有下體生上之痢時則有青青青祥惟金沴木說云氣之相傷謂之沴

卷十四中

五

南齊志貌傳曰失威儀之制怠慢驕恣謂之狂則不肅矣下不敬則上無威天下既不敬又肆其驕恣肆之則不從夫不敬其君不從其政則陰氣勝故曰厥罰常雨貌傳又曰上失節而狂下怠慢而不敬上下失道輕法侵制不顧君上因以薦饑

又曰上下不相信大臣姦宄民爲寇盜故曰厥極惡一曰民多被刑或形貌醜惡

又曰危亂端見則天地之異生木者青故曰青雋爲惡

祥凡貌傷者金沴木木沴金衝氣相通

隋志鴻範五行傳曰陰氣彊積然後生水雨之災

太平御覽咎徵部鴻範五行傳曰凡有所害謂之災無所害而異於常謂之異故災爲已至異爲方來

春秋繁露五行五事篇曰王者能敬則肅肅則春氣得故肅者王春春陽氣微萬物柔易移弱可化於時陰氣爲賊故王者欽欽不以議陰事然後萬物遂生而木曲直也春行秋政則草木凋行冬政則雪行夏政則殺春失政則秋霜不降雷不藏

說苑修文篇書曰五事一曰貌貌若男子之所以恭敬

卷十四

四

婦人之所以姦好也行步中規折旋中矩立則磬折拱則抱鼓其以入君朝尊以嚴其以入宗廟敬以忠其以入鄉曲和以順其以入州里族黨之中和以親詩曰溫溫恭人惟德之基孔子曰恭近於禮遠恥辱也

風俗通過譽篇曰鴻範陳五事以貌爲首

後漢書陳忠傳忠上疏曰臣聞鴻範五事一曰貌貌以恭恭作肅貌傷則狂而致常雨

續漢書五行志注引蔡邕對問曰臣聞陽微則日蝕陰盛則地震思亂則風貌失則爾視闇則疾簡宗廟水不潤下川流滿溢明君臣正上下抑陰尊陽修五事於聖

躬致精慮於其御其救之也

續漢書五行志贊曰皇極維建五事克端罰咎入診逆亂侵于火下水騰木弱金酸妖豈或妄氣災以觀

三國志秦宓傳宓報李權書曰鴻範記災發於言貌

鴻範五行傳曰次二事曰言言之不從是謂不艾厥咎僭厥罰常陽厥極憂時則有詩妖時則有介蟲之孽時則有大禍時則有口舌之病時則有白眚白祥維火診金○注艾治也君言不從則是不能治其事也君臣不治則僭差矣言曰金金主秋秋氣殺殺氣失故常陽也殺氣失故於人爲憂詩之言志也蝮蝥蝟蟬之類蟲之生於火而藏於秋者也屬金犬童之以口吠守者也屬言口舌之病者言氣失之病也

漢書王莽傳書云言之不從是謂不艾○師古曰鴻範之言艾讀曰艾又治也

又曰太白司艾西嶽國師典致時陽○應劭曰言之不從是謂不艾艾安也厥罰常陽陽旱也○師古曰艾讀

曰艾

案據應劭注以艾字訓安當本之今文家尚書章句亦漢經師相傳舊說也鄭君訓艾爲治者三家尚書有歐陽大小夏侯之別故各守其師說間有不同耳

段玉裁曰王莽傳書云言之不從是謂不艾此引五行傳也古人佃引或以傳繫之經或以緯系之經此類是已陽尚書大傳宋世家漢紀論衡皆作陽五行志及王莽傳作陽假借字耳

漢書五行志傳曰言之不從是謂不艾厥咎僭厥罰恒陽厥極憂時則有詩妖時則有介蟲之孽時則有大飢時則有口舌之痾時則有白眚白祥惟木沴金言之不從從順也是謂不艾艾治也孔子曰君子居其室出其言不善則千里之外違之况其邇者乎詩云如蜩如螗如沸如羹言上號令不順民心虛譁憤亂則不能治海

卷十四中

四六

內失在過差故其咎僭僭差也刑罰妄加羣陰不附則陽氣勝故其罰常陽也早傷百穀則有寇難上下俱蹇故其極憂也君炕陽而暴虐臣畏刑而鉗口則怨謗之氣發於譏謠故有詩妖介蟲孽者謂小蟲有甲飛揚之類陽氣所生也於春秋爲螽今謂之蝗皆其類也於易兌爲口犬以吠守而不可信言氣毀故有犬甌一曰早歲犬多狂死及爲怪亦是也及人則多病口喉欬者故有口舌痾金色白故有白眚白祥凡言傷者病金氣金氣病則木沴之其極憂者順之其福曰康寧

索五行志又引劉歆言傳曰時有毛蟲之孽說以爲

於天文西方參爲虎星故爲毛蟲云云與伏生大傳
義異

續漢書五行志五行傳曰言之不從是謂不义厥咎僭
厥罰恒陽厥極憂時則有詩妖時則有介蟲之孽時則
有大旤時則有口舌之痾時則有白眚白祥惟木沴金
案續志又云介蟲劉歆傳以爲毛蟲則是應劭等亦
兼存異義也

春秋考異郵曰君行非是則言不見從言不見從則下
不治下不治則僭差過制度奢侈驕泰天子僭天大夫
僭人王諸侯僭上陽無以制從心之喜上憂下則常陽

卷十四中

四

從之惟設其蹟考之天意則大旱不雨而民庶大災

案劉昭續志注補引春秋說如此今攷其說與鴻範
五行傳大指相同故附載之亦足以見春秋說亦用
今文家尚書之學也

南齊志言傳曰言易之道西方曰兌爲口人君過差無
度刑罰不一歛從其重或有所放抗陽之節若動衆勞
民是言不從人君既失衆政令不從孤陽持治下畏君
之重刑陽氣勝則旱象至故曰厥罰常陽也

又曰下既悲苦君上之行又畏嚴刑而不敢正言則必
先發於歌謠歌謠口事也口氣逆則惡言或有惟謠焉

又曰言氣傷則民多口舌故有口舌之痢金者白故有
白眚若有白爲惡祥

隋志鴻範五行傳曰君持亢陽之節興師動衆勞人過
度以起城邑不顧百姓臣下悲怨然而心不能從故陽
氣盛而失度陰氣沉而不附陽氣盛旱災應也

又曰犬守禦者也

藝文類聚鴻範五行傳曰旱所謂常陽不謂常陽而謂
旱者以爲災也旱之爲言乾萬物傷於乾不得水也

案藝文類聚又引君持亢陽之節云云與隋志引言
傳文同惟興師動衆上有暴虐於民四字無過度一

卷十四中

辛

字又太平御覽卷徵部引與藝文類聚略同

開元占經百十二鴻範五行傳曰下既非君上之刑畏
嚴刑而不敢正言則先發於歌歌口事也氣逆則惡言
至或有怪謠以此占之故曰詩妖古者人君必視人民
聽其歌謠以省國政

又一百十九五行傳曰犬旤者西方也以口守言之類
也言氣毀則犬傷疾矣故曰犬傷禍也旱氣犬多狂死
或言氣亂則犬爲恠以期占之

又一百二十五行傳曰介蟲者小蟲有甲能飛揚之類
陽氣所生於春秋爲螽今謂之蝗皆其類也旱氣動象

至矣故曰有介蟲之孽也

春秋繁露五行五事篇曰王者能治則義立義立則秋氣得故義者至秋秋氣始殺王者行小刑罰民不犯則禮義成於時陽氣爲賊故王者輔以官牧之事然後萬物成熟秋草木不榮華金從革也秋行春政則華行夏政則喬行冬政則落秋失政則春天風不改雷不發論衡言毒篇曰諺曰衆口燦金口者火也五行二曰火五事二曰言言與火直故云燦金道口舌之燦不言拔木焯火必云燦金金制於火火口同類也故火爲言言爲小人小人爲妖由口舌口舌之微由人感天故五事

卷十四中

五

二曰言言之咎微僭恒暘若僭者奢麗故蝮蛇多文文起於陽故暘若致文暘若則言不從故時有詩妖妖氣生夫好故美幻之人多邪惡美味癩腹好色惑心身夫招禍辯口致殃四者世之毒也辯口之毒爲害尤酷詩曰讒言罔極交亂四國四國猶亂况一人乎

又訂鬼篇曰世謂童謠熒惑使人彼言有所見也熒惑火星鴻範五行二曰火五事二曰言言火同氣故童謠詩歌爲妖言言出文成故世有文書之怪世謂童子爲陽故妖言出於小童童巫含陽故大雩之祭舞童暴巫巫含陽能見爲妖者也妖或施其毒不見其體或見其

形不施其毒或出其聲不成其言或明其言不知其音
若夫申生見其體成其言者也杜伯之屬見其體施其
毒者也詩妖童謠石言之屬明其言者也濮水琴聲紂
郊鬼哭出其聲者也

案王充論衡多用今文尙書說茲言毒篇以鴻範五
行五事言火相直訂鬼籍以鴻範五行五事言火同
氣其誼與漢書所載鴻範五行傳異而於古尙書說
有適合者許慎五經異義載古尙書說云脾木也肺
火也肝金也腎水也心土也今按其說亦具有義理
脾至四肢手足者容貌之動也猶木有枝幹也故脾

卷十四中

至一

屬木肺至音聲語言

也火之氣發揚於上

者肺發也言其氣發也言與火同氣故肺屬火肝
至目目者肝之使明能察物猶金之內景鑑物好醜
莫遁其形也故肝屬金腎引也至引水氣灌注諸脉
也坎之象爲耳耳者腎之候也故腎屬水金木水火
以土爲主貌言視聽以心爲主故思心屬土也白虎
通情性篇云肝者木之精也目爲之候肺者金之精
也鼻爲之候心者火之精也耳爲之候腎者水之精
也雙竅爲之候脾者土之精也口爲之候旣引元命
包以證其說又云或曰口者心之候耳者腎之候或

曰肝繫於目肺繫於鼻心繫於口脾繫於舌腎繫於耳則亦兼存異義以備一解論衡所述鴻範之義以火爲口同類卽所謂心繫於口口者心之候也以言爲火同氣卽所謂肺主音聲言於五行屬火也許氏五經異義據月令春祭脾夏祭肺季夏祭心秋祭肝冬祭腎從古尙書說而說文解字則云心人心土藏在身之中博士說以爲火藏博士說者今文尙書家言也內部又云肝木藏也肺金藏也脾土藏也腎水藏也脾爲土藏則心乃火藏也許意似以今文尙書說爲定論與五經異義所從不同蓋師說相傳由來

卷十四中

五

已久雖折衷以求一是而於異義亦存而不廢學者博觀而會通之不可泥於一家之言是此而非彼也又案開元占經三十引鴻範五行傳云熒惑於五常爲禮五事爲視禮虧視失則熒惑爲旱災爲妖言爲火怪占經四十五引五行傳云太白於五常爲義於五事爲言義虧言失則太白爲變動是五事之言本屬金爲妖言爲火之變異此卽金制於火火能燦金之誼當分別言從與妖言而二之論衡言毒訂鬼二篇專指妖言而論其誼亦本於鴻範五行傳王鳴盛尙書後案乃謂王充說以言改屬火此漢俗儒奴爲

異論者誤以五事之次卽五行之次故也蓋亦考之不審耳若劉向之以恒雨卽大水雨與水潦本相連及向之五行傳與夏侯氏同竝無異誼更不得況此一端誣向之改貌以爲屬水也至於今文家歐陽夏侯等說鄭駁異義所信從者王氏乃云歐陽家說以之療病則可以之說經則謬鄭意顯然不思形象相配與氣質相屬理無一致義有同歸必以其從同者強析爲岐異則既誣歐陽竝且誣鄭毋乃自相刺謬乎

鴻範五行傳曰次三事曰視視之不明是謂不愆厥咎

卷十四中

五五

茶厥罰常奧厥極疾時則有草妖時則有倮蟲之孽時則有羊旤時則有目痾時則有赤肯赤祥雜水沴火○淫愆視瞭也君視不明則是不能瞭其事也茶緩也君臣不瞭則茶緩矣視曰火火至夏夏氣長長氣失故常奧也長氣失故於人爲疾視之物可見者莫衆於草蠹蝻蟲之類蟲之生於火而藏於秋者也羊畜之遠視者也屬視

漢書五行志傳曰視之不明是謂不愆厥咎舒厥罰恒奧厥極疾時則有草妖時則有蠹蟲之孽時則有羊旤時則有目痾時則有赤肯赤祥惟水沴火視之不明是

謂不愆愆知也詩云爾德不明呂亡陪亡卿不明爾德
呂亡背亡仄言上不明暗昧蔽惑則不能知善惡親近
習長同類亡功者受賞有罪者不殺百官廢亂失在舒
緩故其咎舒也盛夏日長暑日養物政弛緩故其罰常
與也與則冬溫春夏不和傷病民人故極疾也誅不行
則霜不殺草繇臣下則殺不以時故有草妖凡妖貌則
已服言則以詩聽則以聲視則以色者五色物之大分
也在於告祥故聖人以爲草妖失秉之明者也溫與生
蟲故有羸蟲之孽謂螟螣之類當死不死未當生而生
或多於故而爲災也於易剛而包柔爲離離爲火爲目

卷十四中

五五

羊上角下蹠蹠剛而包柔羊大目而不精明視氣毀故
有羊旣一曰若歲羊多疫死及爲怪亦是也及人則多
病目者故有目痾火色赤故有赤眚赤眚凡視傷者病
火氣火氣傷則水沴之其極疾者順之其福曰壽○師
古曰與讀曰燠燠暝也螽蝗之類無鱗甲毛羽故謂之
羸蟲也

案五行志引劉歆以爲羸蟲之孽屬思心不容與伏
生大傳異又引劉歆視傳曰有羽蟲之孽雞旣說以
爲於天文南方喙爲鳥星故爲羽蟲旣亦從羽故爲
雞雞於易自在與說非是

續漢書五行志五行傳曰視之不明是謂不哲厥咎舒厥罰常煥厥極疾時則有草妖時則有羸蟲之孽時則有羊禍時則有赤眚赤祥惟水沴火

案續志又云羸蟲劉歆傳以爲水蟲劉昭注補於厥咎舒引讖曰君舒怠臣下有倦白黑不別賢不肖並不能憂民急氣爲之舒緩草不搖其說亦與五行傳相發明也

隋志劉向五行傳曰視不明用近習賢者不進不肖不進百職廢壞庶士不從其過在政教舒緩

又引鴻範五行傳曰羊禍君不明逆火政之所致也

卷十四中

五

南齊志傳曰犯上者不誅則草犯霜而不死或殺不以時事在殺生失柄故曰草妖也一日草妖者失衆之象也

春秋繁露五行五事篇曰王者能知則知善惡知善惡則夏氣得故哲者王夏夏陽氣始盛萬物兆長王者不揜明則道不退塞而夏至之後大暑隆萬物茂育懷任王者恐明不知賢不肖分明白黑於時寒爲賊故王者輔以賞賜之事然後夏草木不霜火炎上也夏行春政則風行秋政則水行冬政則落夏失政則冬不凍冰五穀不藏大寒不解

案王者能知疑知字是哲之誤下文云哲者王夏可證

鴻範五行傳曰聽之不聰是謂不謀厥咎急厥罰常寒厥極貧時則有鼓妖時則有魚孽時則有豕禍時則有耳痲時則有黑眚黑祥維土沴水。注君聽不聰則是不能謀其事也君臣不謀則急矣聽曰水水主冬冬氣藏藏氣失故常寒也藏氣失故於人爲貧鼓聽之應也魚蟲之生於水而遊於水者也豕畜之居閑衛而聽者也耳痲聽氣失之病

漢書五行志傳曰聽之不聰是謂不謀厥咎急厥罰恒

卷十四中

五

寒厥極貧時則有鼓妖時則有魚孽時則有豕旤時則有耳痲時則有黑眚黑祥惟火沴水聽之不聰是謂不謀言上偏聽不聰下情隔塞則不能謀慮利害失在嚴急故其咎急也盛冬日短寒以殺物政促迫故其罰常寒也寒則不生百穀上下俱貧故其極貧也君嚴猛而閉下臣戰栗而塞耳則妄聞之氣發於音聲故有鼓妖寒氣動故有魚孽雨以龜爲孽龜能陸處非極陰也魚去水而死極陰之孽也於易坎爲豕豕大耳而不聰察聽氣毀故有豕旤也一日寒歲豕多死及爲怪亦是也及人則多病耳者故有耳痲水色黑故有黑眚黑祥凡

聽傷者病水氣水氣病則火沴之其極貧者順之其福曰富

案五行志引劉歆傳曰有介蟲孽也又桓公五年秋蝻劉歆以爲貪虐取民則蝻介蟲之孽也與魚同占劉向以爲介蟲之孽屬言不從又歲公二十九年有蜚劉歆以爲負饜也性不食穀食穀爲灾介蟲之孽劉向以爲蜚色青近青告也諸如此類皆歆說與夏侯等不同者也

續漢書五行志五行傳曰聽之不聽是謂不謀厥咎急厥罰恒寒厥極貧時則有鼓妖時則有魚孽時則有豕禍時則有耳痲時則有黑眚黑祥惟火沴水

卷十四中

五

案續志又云魚孽劉歆傳以爲介蟲之孽謂蝗屬也劉昭注引月令章句曰介者甲也謂龜蟹之屬也與五行傳誼異

又案劉昭注補引馬融尚書注曰上聰則下進其謀又引易傳曰誅罰絕理不云下也顯事有知不云謀也是昭意以咎急爲不聰之應聽謀皆就君上言之不必分屬上下喬樞謂馬融用古尚書說故解與今文家微有不同要其誼亦互相備也今文尚書以恭肅從父明慈聰謀容聖皆就君身爲解漢書五行志

引五行傳說云云皆其明證尙書正義引鄭君注云君貌恭則臣禮肅君言從則臣職治君視明則臣昭哲君聽聰則臣進謀君思睿則臣賢智鄭注尙書亦用古文說故與馬融解合其注伏生大傳則用今文說云君貌不恭則是不能敬其事也君言不從則是不能治其事也君視不明則是不能瞭其事也君聽不聰則是不能謀其事也君思心不通則是非不能心明其事也皆就君上言之與漢書志所引五行傳說一一脗合惟於傳言咎徵之應注云君臣不敬則倨慢如狂矣君臣不治則僭差矣君臣不瞭則舒緩

卷十四中

五

矣君臣不謀則急矣君臣心有不明則相蒙冒矣蓋君臣一體補出人臣一層明臣亦當敬用五事於義尤備若不觀其會通但泥於一隅之見以恭肅等分屬君臣則顯與下文庶徵曰肅時雨若云云誼不一貫誠有如沖遠所譏庶徵之應休咎皆肅又明聰所致若肅又明聰皆是臣事則休咎之所致悉不由君矣以馬鄭大儒豈其所見出沖遠下哉攷南齊書五行志引貌傳曰失威儀之制怠慢驕恣謂之狂則不肅矣下不敬則上無威天下既不敬又肆其驕恣肆之則不從夫不敬其君不從其政則陰氣勝故曰厥

罰常雨又曰上失節而狂下急慢而不敬上下失道
輕法侵制不顧君上因以薦饑又曰上下不相信大
臣姦宄民爲寇盜故曰厥極惡則固明明兼君臣上
下言之五行志所引上嬖下暴則陰氣勝故其罰常
雨亦已明明兼上下言之何得謂休咎所致悉不由
君耶又攷詩小雅小旻篇曰國雖靡止或聖或否民
雖靡盬或哲或謀或肅或艾鄭箋云天下諸侯雖無
禮其心性猶有通明者有賢者民雖無法其心性猶
有知者有謀者有肅者有艾者王何不擇置之於位
而任之爲治據此足見鴻範五事實包君與民言之

卷十四

卒

則又不獨兼君臣而已也蓋天生蒸民有物有則民
之秉彝好是懿德此五事乃人性行之能故其心性
皆有此德也春秋繁露五行五事篇云恭作肅言王
誠能內有恭敬之姿而天下莫不肅矣從作乂王者
言可從明正從行而天下治矣明作哲哲者明也王
者明則賢者進不肖者退天下知善而勸之知惡而
恥之矣聰作謀謀者謀事也王者聰則聞事能辨下
謀故事無失謀矣推言其故且廣之於天下非止君
之一身也董子之時今文尙書始萌芽古文尙書雖
出孔壁世無能通之者而其解五事已有此說則知

此為經師相承古訓矣合此諸說而觀其會通則知
鄭意未嘗不以肅又哲謀聖為君事特欲見君臣一
體休咎之應亦君臣共致之故著此誼爾

南齊志聽傳曰不聰之象見則妖生於耳以類相動故
曰有鼓妖也一曰聲屬鼓妖

又曰換陰氣動故有魚孽魚孽者常寒之謂也

又曰大雨雪猶庶微之常雨也然有甚焉雨陰大雨雪
者陰之畜積甚也一曰與大水同象

又曰兩雹君臣之象也陽之氣專為雹陰之氣專為霰
陽專而陰裔之陰盛而陽薄之雹者陰薄陽之象也霰

者陽裔陰之符也春秋不書霰者猶月食也

卷十四中

十一

隋志洪範五行傳曰雪庶微之常雨也然尤甚為雨陰
也雪又陰音積甚盛也皆妾不妾臣不臣之應

又曰魚陰類也下人象又有鱗甲兵之應也又曰急之
所致

又曰刑罰暴虐貪饕不厭興師動眾取城修邑而失眾
心則蟲為災

開元占經一百二十洪範傳曰聽之不聰是謂不謀君
嚴寒氣動故有魚孽魚去水而死極陰之孽也

太平御覽天部洪範五行傳曰人君妬賢嫉善在下謀

上則曰蝕雨雹殺鳥獸

春秋繁露五行五事篇曰王者無失謀然後冬氣得故謀者王冬冬陰氣始盛草木必死王者能聞事審謀慮之則不侵伐不侵伐且殺則死者不恨生者不怨冬日至之後大寒降萬物藏於下於時暑爲賊故王者輔之以急斷之以事水潤下也冬行夏政則蒸行春政則雷行秋政則旱冬失政則夏草木不實五穀疾枯

鴻範五行傳曰思心之不容是謂不聖厥咎霧厥罰常風厥極凶短折時則有脂夜之妖時則有華孽時則有牛蹠時則有心腹之病時則有黃管黃祥維木金水火

卷十四中

三

診土○汪容當爲磨磨通也心明曰聖孔子說休徵曰聖者通也兼四而明明則可謂聖聖者包貌言視聽而載之以思心者通以待之君思心不違則是非不能心明其事也霧盲也君臣心有不明則相蒙言矣思心曰土土王四時至消息生殺長藏之氣風亦出內雨陽寒與之微皆所以殖萬物之命者也殖氣失故常風殖氣失則於人爲凶短折未甃曰凶未冠曰短未昏曰折夜讀曰液華當爲夸夸蚘蟲之生於土而遊於土者地厚德載物牛畜之任重者也屬思心心腹之病思心氣失之病志論皆言君不寬容則地動元或疑焉今四行來

診土地乃動臣下之相帥爲時逆之象君不通於事所致也以爲不寬容亦皆爲陰勝陽臣強君之異

漢書五行志傳曰思心之不容是謂不聖厥咎昏霜厥罰恒風厥極凶短折時則有脂夜之妖時則有華孽時則有牛旣時則有心腹之痾時則有黃雉黃祥時則有金木水火診土思心之不容是謂不聖思心者心思慮也容寬也孔子曰居上不寬吾何以觀之故言上不寬大包容臣下則不能居聖位貌言視聽以心爲主四者皆失則區霜無識故其咎霜也雨旱寒奧亦以風爲本四氣皆亂故其罰常風也常風傷物故其極凶短折也傷

卷十四中

全

人曰凶禽獸曰短少木曰折一曰凶夭也兄喪弟曰短父喪子曰折在人腹中肥而包裹心者脂也心區霜則冥晦故有脂夜之妖一曰有脂物而夜爲妖若脂水夜汗人衣淫之象也一曰夜妖者雲風竝起而杳冥故與常風同象也温而風則生螟螣有裸蟲之孽劉向以爲於易巽爲風爲木卦在三月四月繼陽而治主木之華實風氣盛至秋冬木復華故有華孽一曰地氣盛則秋冬復華一曰華者色也土爲田事爲女孽也於易坤爲土爲牛牛大心而不能思慮思心氣毀故有牛旣一曰牛多死及爲怪亦是也及人則多病心腹者故有口腹

之痢土色黃故有黃質黃祥凡思心傷者病土氣土氣
病則金木水火沴之故曰時則有金木水火沴土不言
惟而日時則有者非一衝氣所沴明其異大也其極曰
凶短折順之其福曰考終命

案五行志又引劉歆思心傳曰時則有羸蟲之孽謂
螟螣之屬也庶徵之常風劉向以爲春秋無其應釐
公十六年正月大鳴退蜚過宋都左氏傳曰風也劉
歆以爲風發於它所至宋而高鳴高蜚而逢之則退
經以見者爲文故記退蜚傳以實應著言風常風之
罰也象朱襄公區霑自用不容臣下逆司馬子魚之

卷十四中

七

諫而與疆楚爭盟後六年爲楚所執應六鳴之數云
喬樞謂歆傳言庶徵常風之應以六鳴退飛象朱襄
公區霑自用不容臣下爲常風之罰是亦其用今文
尙書之一明驗也若古文以容作資訓爲通達則顯
與歆傳云云不合故知歆傳亦今文家言雖其說獨
異而班氏亦附載之以備參攷云

漢書敘傳曰思心既霑

續漢書五行志五行傳曰思心不容是謂不聖厥咎霜
厥罰恒風厥極凶短折時則有脂夜之妖時則有華孽
時則有牛旣時則有心腹之病時則有黃質黃祥惟金

木水火土

案續志又云華孽劉歆傳為羸蟲之孽謂螟屬也

南齊志思心傳曰心者土之象也思心不容案志文作睿今改正

其過在於稍亂失紀風於陽則為陰於陰則為大臣之

象專恣而氣盛故罰常風心五事主猶土為五行主也

一曰陰陽相薄偏氣陽多為風其甚也常風陰氣多者

陰而不雨其甚也常陰一曰風宵起而晝晦以應常陰

同象也

又曰雷電所擊蓋所感也皆思心有尤之所致也

又曰山之於地君之象也山崩君權損京陵易處世將

卷十四

空五

變也陵轉為澤貴將為賤也

又曰土氣亂者木金水火亂之

隋志五行傳曰華者猶榮華容色之象也以色亂國故

謂華孽

又曰晝而晦冥若夜者陰侵陽臣將侵君之象也

又曰牛事應宮室之象也

開元占經三鴻範五行傳曰清明者天之體也天忽變

色是謂易常天裂見人鳴有聲至尊憂且驚皆亂國之

兆

開元占經六鴻範五行傳曰日正晝而冥晦者陰反為

陽臣反制君也

開元占經四佾書夏侯說曰地動大臣盛將有爲下不靜兵數動也

又引劉向鴻範傳曰地動者臣不臣也臣下大貴也

案尙書夏侯說當卽夏侯始昌五行傳之文

八政一曰食二曰貨三曰祀四曰司空五曰司徒六曰司寇七曰賓八曰師

史記宋世家八政一曰食二曰貨三曰祀四曰司空五曰司徒六曰司寇七曰賓八曰師○集解馬融曰司空掌營城郭王空土以居民司寇主誅寇害鄭元曰賓掌

卷十四中

癸

諸侯朝覲之官師掌軍旅之官

尙書大傳洪範傳曰八政何以先食傳曰食者萬物之始人事之本也故八政先食

漢書食貨志曰鴻範八政一曰食二曰貨食謂農殖嘉穀可食之物貨謂布帛可衣及金刀龜貝可以分財布利通有無者也一者生民之本堯命四子以敬授民時舜命后稷以黎民祖饑是爲政首禹平洪水定九州制土田各因所生遠近賦入貢糞懋遷有無萬國作乂財者帝王所以聚人守位養成羣生奉順天德治國安民之本也

又藝文志曰農家者流蓋出於農稷之官播百穀勸耕
桑以足衣食故八政一曰食二曰貨孔子曰所重民食
此其所長也

又王莽傳曰民以食爲命以貨爲資是以入政以食爲
首

論衡譏日篇曰人道所重莫如食急故八政一曰食二
曰貨衣服貨也

後漢書章帝紀元和元年詔曰王者入政以食爲本故
古者急耕稼之業致耒耜之勤節用儲蓄以備凶灾是
以歲雖不登而人無饑色

卷十四中

奎

漢書郊祀志曰鴻範八政三曰祀祀者所以昭孝事祖
通神明也秀及四夷莫不修之乃至禽獸豺獮有祭是
以聖王爲之典禮民之精爽不貳齊肅聰明者神或降
之在男曰覲在女曰巫使祭神之處位爲之牲器使先
聖之後能知山川敬於禮儀明神之事者目爲祝能知
四時犧牲壇場上下氏姓所出者以爲宗故有神民之
官各司其序不相亂也民神異業敬而不黷故神降之
嘉生民以物序灾禍不至所求不匱及少昊之衰民神
雜擾不可放物家爲巫更享祀無度黷齋明而神弗錫
嘉生不降禍灾荐臻莫盡其氣顯瓊受之迺命南正重

司天以屬神命火正黎司地以屬民使復舊常亡相侵
贖故郊祀社稷所從來尙矣虞書曰舜在璿璣玉衡以
齊七政遂類于上帝禋于六宗望秩于山川徧于羣神
禹遵之

漢書刑法志曰夫人肖天地之貌懷五常之性聰明精
粹有生之最靈者也鴻範曰天子作民父母爲天下王
聖人取類以正名而謂君爲父母明仁愛德讓王道之
本也愛待敬而不敗德須威而久立故制禮以崇敬作
刑以明威也聖人旣躬明哲之性必通天地之心制禮
作教立法設刑動緣民情而則天象地故曰先王立禮
則天之明因地之性也刑罰威獄以類天之震曜殺戮
也溫慈惠和以效天之生殖長育也書云天秩有禮天
討有罪故聖人因天秩而制五禮因天討而作五刑其
所繇來者上矣

漢書藝文志曰儒家者流蓋出於司徒之官助人君順
陰陽明教化者也

又曰兵權謀者以正守國以奇用兵先計而後戰兼形
勢包陰陽用技巧者也兵形勢者雷動風舉後發而先
至離合背鄉變化無常以輕疾制敵者也陰陽者順時
而發推刑德隨斗擊因五勝假鬼神而爲助者也技巧

者習手足便器械積機關以立攻守之勝者也兵家者
蓋出古司馬之職王官之武備也鴻範八政八曰師孔
子曰爲國者足食足兵以不教民戰是謂棄之明兵之
重也

家藝文志又云形法者大舉九州之執以立城郭室
舍形人及六畜骨法之度數器物之形容以求其聲
氣貴賤吉凶猶律有長短而各徵其聲非有鬼神數
自然也然形與氣相首尾亦有有其形而無其氣有
其氣而無其形此精微之獨異也法家者流蓋出於
理官信賞必罰以輔禮制易曰先王以明罰飭法此
其所長也喬樅謂形法者大舉九州之執以立成郭
室舍是卽入政中司空之事法家出於理官亦卽入
政中司寇之事也

卷十四中

又案尙書正義引鄭云此數本諸其職先後之宜也
食謂掌民食之官若后稷者也貨掌金帛之官若周
禮司貨賄是也祀掌祭祀之官若宗伯者也司空掌
居民之官司徒掌教民之官司寇掌誅盜賊之官賓
掌諸侯朝覲之官周禮大行人是也師掌軍旅之官
若司馬者也攷曲禮正義引鄭大傳注云夏六卿者
后稷司徒秩宗司馬作士其工也則此八政皆爲六

卿所掌之事矣尙書後案曰此經入政正是禹之所
演宜爲夏制堯典云女后稷播時百穀周語云昔我
先王世后稷賈公彥周禮疏云堯初天官爲稷至試
舜又改名百揆舜又命禹爲之至夏時仍爲后稷矣
胡渭據陳櫟云入政在唐虞食貨合爲一而稷掌之
禹暨稷播奏庶艱食鮮食懋遷有無化居則食貨皆
其所掌王制冢宰以三十年之通制國用量入以爲
出蓋自古食貨皆掌於天官如此鄭言秩宗舜時始
置則夏秩宗必沿虞制也鄭言初堯冬官爲其工舜
攝位舉禹治水改名司空以命之說苑淮南子竝同

卷十四中

七

據王制殷有司空馬融注書序云咎單作湯司空疑
必因夏制也司徒虞官夏因之司徒虞時本號作土
據此經則夏已改司徒矣周禮大行人掌大賓之禮
及大客之儀以親諸侯以下備載朝覲之禮鄭彼注
云大賓要服以內諸侯大客謂其孤卿是也但不知
夏時亦有大行人亦屬秋官否也禮記疏引鄭云堯
時祝融爲司馬說苑又云堯時契爲司馬緯書又云
棄爲司馬是唐虞本有司馬夏因而不改杜氏通典
云尚元孫之子微爲夏司馬是矣合而言之政有八
官實六也夏制上因唐虞下亦略同周禮也

